



t 021



谷村文庫
1-25
セ-3

禪林類聚 利

卷之五

道者智神師一日侍者衡源至人眾昂慰源極相白云生死也師云生死
不通死也不通云為甚死不通師云不通云同歸至中路源云為甚
與其甲道為不通云知云去師云去則何云道則不通源遂
云回院師知事因得不便教令去源乃去一村院寄住日南
誦法華經云應以此立身得受者即現之立身息悟前語師已
遷化了後至石霜舉前語霜云生也不通死也不通源云為甚
六不通霜云不通云源云言下大悟 二 大德秀云大凡言論
須有轉身謀為若無便害化痛棒且道漸源是甚人眼
佛即云云石霜笑上如尖要醒千箇漸源也無用處當初待伊舉了
以棒打不來遂作天下家乃云道吾言云同知當新不斷之相其
云云

西明寺什物

禪林類聚三之目錄

第十一 住山 開堂附

庵居

戒律 出家附

參學

禮拜

省訪

第十二 遊山

辭送附

馳書

緣化

應化

神異

因果

沐浴

偃息

第十三

問疾

醫卜

藥餌

遷化

追忌

第十四

歲時

解結

日月

風雲

雨雪

水火



昭和17.9.1.
763759

第十五 衣鉢 服飾把針附 鞋襪 珍寶 琴瑟

簾帳 舟楫

夾山初住京口寺。僧問如何是法身。山云。法身無相。亦何如何是。
法眼山云。法眼無礙時。道吾在。坐。下。笑。山請益。後。散。與。參。
船子。有。發。後。聚。徒。道。吾。令。宿。住。內。何。是。法。身。山云。法。
身。無。相。亦。何。何。是。法。眼。山云。法。眼。無。礙。何。是。法。身。山云。法。
吾云。若。後。此。面。方。微。
初見春花。歸。園。苑。亦。逢。
秋。葉。隨。宮。墻。思。重。世。夏。如。翻。掌。誰。得。長。生。不。死。方。

禪林類聚卷第三

住山開堂附

庵居

戒律出家附

禮拜

參學

省訪

住山

開堂附

青原思禪師。令石頭。馳書往南嶽。讓和尚。趣乃云。回來。與。
汝。鉏。斧。子。住。山。去。石頭到。彼。未。通。書。便。問。不。基。諸。聖。不。重。
已。經。時。如。何。嶽。云。子。問。太。高。生。何。不。向。下。問。頭。云。寧。可。求。
劫。受。沈。淪。不。求。諸。聖。解。脫。便。回。師。問。返。何。速。乎。書。達。不。頭。
云。書。亦。不。達。信。亦。不。通。去。時。蒙。許。鉏。斧。子。住。山。即。今。便。請。
師。垂。一。足。頭。便。禮。拜。師。南。嶽。住。山。
玄沙云。大小石頭。被。太。慧。靠。倒。全。今。起。不。得。翠。巖。芝。
云。思。和。尚。垂。足。不。頭。禮。拜。要。且。不。得。他。斧。子。且。道。後。來。

洞山九世孫嗣
夏老塔受
本二ハセトモヤ

用箇甚麼 黃龍南云石頭雖善馳達不辱宗風其奈
淫俊太過不知落節既是落節回來因甚得斧子 雪
竇顯云石頭洎擔板過却又云大小大惠不能據令
保寧勇頌云從來相上作君王子子孫孫代代昌文武
百僚俱不識只應金殿有軍堂 佛印元云諸聖不求
已靈不重一問太高大驚地動拂袖而回音書背開從
茲盤石上更不過山來 佛國白云鉤斧持來便住山
斫開南嶽好峯巒兒孫失利將何用又被嘲噓笑魯般
枯木成云千里迢迢信不通歸來何事太忽忽白雲鎖
斷巖前石掛角羚羊不見蹤
百丈洎禪師僧問如何是奇特事師云獨坐大雄峯僧禮
拜師便打

應庵華云大小百丈答話不了

雪竇顯頌云祖域交馳天馬駒化門舒卷不同途電光
石火存機變堪笑人來捋虎鬚 白雲端云大機大用
豈虛然獨坐雄峯是有權稍若錯傳王令者腦門須喫
棒三千 投子青云巍巍峭迥出雲霄頂鎖冰寒勢外
遙坐觀四望煙籠處一帶青山萬水朝 保寧勇云大
雄峯頂獨巍巍直下橫分八字眉賴得縮頭知進退未
嘗容易敢相虧 海印信云雄峯獨坐鎮巍巍四海譟
謠滿路歧任是通身鋒刃若到來無不豎降旗

投子同禪師僧問和尚住此山有何境界師云丫角女子
白頭絲

白雲端頌云丫角女子白頭絲猛酸堆中雪片飛一等

坐觀四望

三山此卦當于白頭絲之四句下見之
白雲之白正與丫角之白相映
白雲之白正與丫角之白相映

住山誰可擬，閑雲流水不同歸。正覺逸云：山家世界，別處世罕曾聞，只可自怡悅，不堪持贈君。還也奇了角女子白頭絲。

雲居僧問僧家畢竟如何，師云：居山好。僧禮拜，師云：你作麼生會？云：僧家畢竟於善惡生死逆順境界，其心如山之不動。師打云：辜負先聖喪我兒孫。又問傍僧云：你作麼生僧禮拜？云：僧家畢竟眼不覷玄黃之色，耳不聽絲竹之聲。師云：辜負先聖喪我兒孫。

黃龍南云：作麼生道得一句，不辜負先聖喪我兒孫？若人道得到此青山，非道場若道不得有寒暑兮促君壽，有鬼神兮妬君福。

投子青頌云：突兀嵯峨萬仞橫，四邊無路不通行。自古

兩輪光不到，夜深王老入西岑。

庵居

南泉願禪師住庵時，一僧到師乃云：某甲上山作務，請齋時作飯，自喫了却送一分來。其僧齋辦自喫了，却將家事一時打破，仍就牀卧。師伺又不來，遂歸見僧卧，師亦去一。邊卧，僧便起去。師住後云：我往前往庵時，有箇剎利道者來，直至如今不見。

五祖戒云：也是貧兒思舊債。翠巖芝云：兩箇漢前不至村後不至店。

南堂靜頌云：吹毛剎利逆水波清，丈夫志氣不順人情。君征塞北，我伐西秦，千古萬古共樂昇平。

趙州諗禪師因到一庵主處問：有麼？有麼？主豎起拳頭，師

云水淺不是泊船處便行又到一庵主處云有麼有麼主
亦竖起拳頭師云能縱能奪能殺能活便作禮
姜山愛云趙州只見錐頭利雲居舜云趙州當時甚
生意氣雖然如是要且鼻孔在二庵主手裏上方益
云避得風雷重遭霹靂月庵米云泣露千般草吟風
一樣松爲甚麼肯一不肯一若向這裏見得釋迦不先
彌勒不後坐斷要津大長地久苟或未然月庵老人爲
諸人下簡註脚良久云若不如是爭知如是
文殊道始云足馬單鏑戰相關死生具在剎那間趙州
最是難容漢庵主當頭楔兩拳佛迹呈云問答元來
總一般當頭一若莫瞞預將軍自有佳聲在不得封侯
也是閑佛性泰云無星秤子兩頭平提起應須見得

明若向箇中爭分兩知渠錯認定盤星湛堂準云趙
州老漢少喜多嗔不會爲客勞煩主人佛心才云虎
步龍驤徧九垓會從平地起風雷等閑喚出庵中主便
見千江水逆流
龍山禪師住庵洞山价禪師與密師伯行脚見溪流茶葉
洞云此中必有修行人遂往尋見庵主師問此山無路闌
梨向甚麼處來洞云無路且置和尚從何而入師云我不
曾雲水來洞云和尚住此庵多少時耶師云春秋不涉云
和尚先住此山先住師云不知云爲甚麼不知師云我不
爲人夫來洞又問如何是庵中主師云長年不出戶云如
何是主中賓師云青山覆白雲云賓主相去幾何師云長
江水上波云賓主相見有何言說師云清風拂白月洞又

千差寧別說直教今古勿針錐。雪竇顯云對揚深愛。
老俱胝宇宙空來更有誰曾向滄溟下浮木夜瀟相共
接盲龜。佛國白云問答機關豈易酬無錢難作好風
流心中有事說不得只得忙中豎指頭。慧照預云蓆
簾蓬戶在門頭誰謂村居院落幽雨散雲收山嶽露珊
瑚枝上掛金鉤。徑山杲云俱胝一指頭喫飯飽方休
腰纏十萬貫騎鶴上揚州。
雪峯存禪師住庵時有兩僧來禮拜師見來以手托庵門
放身出云是甚麼僧亦云是甚麼師乃低頭歸庵僧後到
巖頭頭問甚麼處來云嶺南來頭云曾到雪峯麼云曾到
頭云有何言句僧舉前話頭云他道甚麼云他無語低頭
歸庵頭云噫我當初悔不向他道末後句若向伊道天下

人不奈雪老何。僧至夏末再舉前話。請益頭云。何不早問云。未敢容易。頭云。雪峯雖與我同條生。不與我同條死。要識末後句。只這是。聯燈小異

大滬詰云。大小雪峯巖頭却。被這僧勘破。湛堂準云。大衆雪峯是會。末後句。不會。末後句。若道會。巖頭又道。當初悔不向他道。末後句。若道不會。因甚。而今兒孫遍天。遍地。雖與我同條生。不與我同條死。末後句。巖頭爲劈頭說破也。未免有些諸訛。久參先德。一舉便知。後學初機。莫道不疑好。

雪竇頌云。末後句。爲君說明。暗雙雙底。時節同條生也。共相知。不同條死。還殊絕。還殊絕。黃頭碧眼。須甄別。南北東西。歸去來。夜深同看千巖雪。白雲端云。雪峯却。

劫後三峯頂捧出金襴對日看
枯木成云喝下承當
草已深却來蘭浦訪知音溪山雲月何嘗異今古誰人
鑑此心
天童覺云搖頭擺尾赤梢鱗徹底無依解轉
身截斷舌頭饒有術拽回鼻孔妙通神夜明簾外冷風
月如畫枯木巖前芳花卉長春無舌人無舌人正令全
提一句親獨步寰中明了了任從天下樂欣欣
昔有二庵主住庵旬日不相見忽相會上庵主問下庵主
云多時不相見向甚麼處去來下云在庵中造箇無縫塔
上云某甲也要造一箇就兄借取塔樣子下云何不早說
并レテハ

明牕下安排 五祖戒出洛浦語云更說道理看便出
去 大陽延代云也要和尚證明

投子青頌云無伴石人夜入山雪籠紅頂綠衣寒喝開
劫後三峯頂捧出金襴對日看 枯木成云喝下承當
草已深却來蘭浦訪知音溪山雲月何嘗異今古誰人
鑑此心
天童覺云搖頭擺尾赤梢鱗徹底無依解轉
身截斷舌頭饒有術拽回鼻孔妙通神夜明簾外冷風
月如畫枯木巖前芳花卉長春無舌人無舌人正令全
提一句親獨步寰中明了了任從天下樂欣欣
昔有二庵主住庵旬日不相見忽相會上庵主問下庵主
云多時不相見向甚麼處去來下云在庵中造箇無縫塔
上云某甲也要造一箇就兄借取塔樣子下云何不早說

恰被人借去了也

法眼云且道是借他樣不借他樣

月庵果頌云無縫塔子樣兩手擡不起被人借將去至
今尋未已尋未已天上人間知幾幾

昔有一婆子供養一庵主經二十年常令一二八女子送

飯給侍一日令女子抱定云正恁麼時如何庵主云枯木

倚寒巖三冬無暖氣女子歸舉似婆婆云我二十年只供

養得箇俗漢迷遣出燒却庵

佛燈珣云大凡扶宗立教須是其人你看他婆子雖是

箇女人宛有丈夫作略二十年篋油費醬固是可知一

日向百尺竿頭做箇尖落直得用盡平生腕頭氣力自

非箇俗漢知機泊乎巧畫拙出雖然如是諸人要會麼

天童如許云
那時極則善
居三百尺竿
頭上云云

雪後始知松栢操事難。見丈夫心。

或庵體頌云不見人斑見虎斑。筭來莫願見人斑。虎斑見後通。四遊唯有人斑近。最難。

三角遇庵主。因荒亂。魁師入山執刃而問。和尚有甚財寶。師云。僧家之寶。非君所宜。魁云。是何寶。師振聲一喝。魁不悟。以刃加之。

洞山聰頌云。師將真實濟兒人。豈謂行恩返害身。真實與伊元不識。而今更是好訴貧。正覺逸云。深山深處。隨我荒無價之珍。不隱藏。纔遇兒人。便分付。兒人少。繼返加傷。

懶瓚禪師道。居衡嶽之頂石室中。每歌云。世事悠悠不如山丘卧。藤蘿下塊石。枕頭不朝天子。豈羨諸侯生死母慮。

吾後何憂。唐德宗聞其名。遣使者到其室。宣言。天子有詔。詔尊者宜起。謝恩。師方撥糞火。尋煨芋食之。寒涕垂垂。未答。使者笑之。且勸拭涕。師云。我豈有閑工夫。為俗人拭涕耶。使者竟不能致之。帝聞。倍加欽羨。

覺範洪頌云。糞火但知黃獨美。銀鈎那識紫泥新。尚無餘力收寒涕。那有工夫對俗人。

戒律 出家附

中邑恩禪師因仰山至。謝戒師。乃於禪牀上拍手云。嗚哪。嗚哪。仰從西過。東從東過。西復向中心立。然後謝戒師云。甚麼處得此三昧。仰云。於曹溪脫印子。學來。師云。汝道曹溪用此三昧。接甚麼人。仰云。接一宿覺。仰復問。和尚甚麼處得此三昧。師云。於馬大師處學得。此三昧。

一。本。作。作。散。學。來。小。異。

琅琊覺云愁人莫向愁人說 翠巖芝云有兩箇老和尚可殺滿返對面相謾 鴻山果云若據二老見處達磨一宗掃土而盡 松源岳云二老漢正是癡人說夢 雖然笑他者多哂他者少

汾陽昭頌云鼓唇拍手口鳴哪直引來人辨正邪千萬往來都不薦仰山纔見便同家 慈受深云仰山善問中邑善應慶去翻來拍拍是令 正覺逸云曹溪脫印傳來錯章敬師承受處鹿將謂胡鬚天下赤元來更有赤鬚胡

禮拜

南泉願禪師示衆云江西馬祖說即心即佛又云非心非佛王老師不恁麼不是心不是佛不是物恁麼道還有過

庭時趙州出禮拜了去續有僧問州云上座禮拜了去意作麼生州云汝却問取和尚僧遂問師適來諗上座禮拜了去意作麼生師云他却領得老僧意旨

徑山杲云兩箇老漢雖善轉裏動指頭殊不知傍觀者醜又頌云倒腹傾腸說向君不知何故尚沈吟而今便好猛提起付與當場無事人 佛眼遠云祖佛場中不展戈後人剛地起諸訛道忝不傳天子令時清休唱太平歌

趙州諗禪師一日在佛殿上見文遠禮拜佛師以拄杖打一下遠云禮佛也是好事師云好事不如無

鼓山珪頌云平生侍奉老師全無些子氣息佛法妙性天機一字教他不得 徑山杲云文遠修行不落空時

時瞻禮紫金容。通州住杖錫。然短腦後圓光。又一重
道吾智禪師。僧問如何。是和尚深深處。師下禪床。作女人
拜云。謝子。遠來無可祇待。
投子青頌云。驪龍海卧瑞雲高。四望歸宗萬派朝。木人
來問西宮事。回慧東園一顆桃。踈山如云。草戶柴門
謝子來躬身下拜。笑眉開。深深密密親分付。莫道寶山
空手回。枯木成云。回途已落。今時路不露鋒銍。豈得
聞撥動。少林關。換子誰知別是一壺天。
雪峯存禪師送南際長老出乃作。女人拜際歎手。應諾諾。
師以手斫額。使歸。
投子青頌云。送客隨家豈儉施。盡情爲餓免生疑。却蒙
慧重迫相贈。飲手遙別向暮歸。

韶山誓禪師因僧來禮拜了。叉手而立。師云。大休。藏拙戶。
僧又過一邊。師云。喪却棟梁材。
丹霞淳頌云。叉手須知已闕津。更重進步轉漂淪。頑銅
若作黃金貨。私可謾他無眼人。

參學

善財童子禮辭文殊。文殊指往南方勝樂國妙高山。參德
雲比丘。及到彼山。東西南北四維上下。求覓經千七日。乃
見德雲比丘。却在別峯頂上。徐步經行。

南嶽讓禪師初往曹溪參六祖。祖問甚處來。師云。嵩山來。
祖云。甚麼物。恁麼來。師云。說似一物。即不中。祖云。還假修
證不。師云。修證即不。無染污。即不可。祖云。只此不染污。諸
佛之所護念。汝既如是。吾亦如是。善。自護持。四天二十七

祖般若多羅識汝去後出一馬駒踏殺天下人去在

汾陽昭頌云因師顧問自何來報道高山意不回修證
不無不染污撥雲見日便心開 佛印元云玉在池中
蓮出水汚染不能絕方比大家如是若承當洞庭一夜
秋風起 保寧勇云戴角披毛恁麼來鐵圍山嶽盡衝
開闢浮踏殺人無數鼻深穿拽不回 佛國白云當
頂來來恁麼來不中一物早塵埃便歸南嶽磨軒鏡照
得追風馬子回

青原思禪師初參六祖問云當何所務即不落階級祖云
汝曾作甚麼來師云聖諦亦不為祖云落何階級師云聖
諦尚不為落何階級祖云如是如是汝善謹持

松源岳云是即是總未有求身之路靈隱門下莫有獨

脫底麼敲出鳳凰五色髓撲碎驪龍領下珠

投子青頌云無見頂露雲攢急却外靈枝不帶春那邊

不坐空王殿爭肯耘田向日輪 卅霞淳云卓爾難將

正眼窺迥超今古類何齊苔封古殿無人侍月鎖蒼梧

鳳不棲 佛國白云無階無級見無求奪得曹溪第一

等却向盛陵言米價百行千市競相酬 佛印元云聖

諦從來尚不為更無階級可修持至今盧大猶春米和

穀和糠付與誰

藥山儼禪師初參石頭問三乘十二分教某甲粗知嘗聞

南方直指人心見性成佛實未明了伏望和尚慈悲指示

頭云與麼也不得不與麼也不得與麼不與麼總不得汝

作麼生師佇思頭云子因緣不在此江西有馬大師子往

彼去應爲汝說師遂至彼準前請問馬師云我有時教伊揚眉瞬目有時不教伊揚眉瞬目者不是師於是有省便作禮馬師云子見箇甚麼道理師云某甲在石頭時如蚊子上鐵牛相似馬師云汝既如是宜善護持

法雲秀云石頭好箇無孔鐵鎚大似分付不著藥山雖然過江西悟去爭奈平地上喫交有甚麼扶策處具眼者試辨看

松源岳頌云坐斷千峯路穿開碧落天那容問端的端的的髑髏前

汾州無業國師凡有請問但云莫妄想

西禪需頌云王令威嚴誰敢擬纖毫纔動鐵輪隨時人

只見錐頭利幾人能見利頭錐

趙州論禪師因僧告辭師問甚麼去僧云諸方學佛法云師豈拂云有佛處不得住無佛處急走過三千里外逢人不得錯舉云與麼則不去也師云摘楊花摘楊花

天衣懷云趙州非但走得這僧脚底皮穿亦乃症却這僧口口若个症爲甚麼逢人便舉五祖演於不得住

處云摸却你心肝五臟急走過處云鴈過留聲錯舉處云出門便錯不丟也處云種粟却生荳末後云不覺日

又夜爭教入少年天童覺云沈沈帶迹犯手傷風俱未是衲僧去就直須莫入人行市莫坐他床榻正不立

玄備不附物方能把住放行有自由分保寧勇頌云堂堂好箇丈夫兒剛被胡麻取次欺若解

希拳。我意氣世間何處可容伊。天童覺云。青山不異
白玉無瑕。茫茫流水。撥撥黃花。有佛。即鐵塵不立。無佛
趣。萬別千差。長安路上。未歸客。尋溪猶自摘楊花。佛
慧泉云。截斷三關。過者稀。臨鋒誰解。拈全威。楊花摘處
何人見。風送漫天似雪飛。普融平云。三千里外。兩重
關。衲子紛紛過者難。回首石橋南北路。楊花風散雪漫
漫。
鼎潭信禪師在天皇三年。忽一日問云。某甲自到來。不蒙
和尚指示心要。皇云。自汝到來。吾未嘗不指示。汝心要師
云。甚。麴是指示。某甲云。要則皇云。汝擎茶來。吾為汝接。汝
行。食來。吾為汝受。汝和南。將吾便低首。何處不指示。汝心
要師時。忘皇云。見即直下。便見。擬思即差。師當下開悟。乃

問云。如何。保任。皇云。任性逍遙。隨緣放曠。但盡凡心。別無
聖解。

白雲端頌云。脫白求師。貴苦辛。擎茶問訊。盡躬親。無端
再叙。三年事。笑殺塔頭賣餅人。

翠微覺禪師因龍牙問。自到和尚法席。每沐上堂。不蒙一
法。示誨。意在於何。師云。嫌箇甚。牙後至洞山。亦如是問。
山云。爭恁得。若僧後有問。法眼眼云。祖師來也。

東禪齊云。此三人尊宿。語還有親疎也。無若有阿那箇
親。若無親。疎眼在甚處。雪竇顯云。兩箇老漢。被這
僧穿却。唯有法眼與他同參。若是雪竇門下。喫棒了。趁
出。

樸樹省禪師問洞山甚麼處來。山云。親近來。師云。若是親

近來勸這兩片皮作甚麼後曹山聞舉乃云一子親得

丹霞淳頌云從來父子不相離石女何勞更問伊昨夜

寒巖無影木白雲深處露橫枝

巖頭齋禪師初參德山問是凡是聖山便喝師便禮拜洞

山聞得乃云若不是齋公也大難承當師云洞山老漢不

識好惡錯下名言我當時一手擡一手搥

雪竇顯云然則德山門下草偃風行要且不能塞斷天

下人口當時纔禮拜磬齊便棒非唯勦絕洞山亦乃把

斷齋老還會麼李將軍有嘉聲在不得封侯也是閑

教忠光云還知三大老落處麼德山和身放倒洞山帶

水拖泥若非巖頭具通方眼爭顯功高汗馬且作平生

是一手擡一手搥殺人刀活人劍琅琊覺云巖頭

無人問著不妨奇特纔被洞山腦後一錐直得无解冰

消

保寧勇頌云平川走兔放蒼鷹一搥便喝雙眼睛毒手

奪來人買去奈何斤兩未分明法雲秀云巖頭老漢

九聖孰辨半僧半俗可貴可賤三文取箇黑老婆江邊

相喚掩蝦蟇疎山如云一喝驚天動地雷海翻太華

洞然非巖助將喪魂飛也謂道當時手搥擡

雪峯存禪師首謁鹽官自後三登授子九上洞山因緣不

契後參德山問從上宗乘學人還有分也無山打一棒云

道甚麼師不會至明日請益山云我宗無語句實無一法

與人師因此有省一本異

巖頭聞云德山一條脊梁骨硬似鐵雖然如是於唱教

門中猶較些子。保福問招慶只如巖頭出世有何言
句過於德山便恁麼道慶云汝不見巖頭道人學射
久久方中福云中後如何慶云展閣梨莫不識痛痒好
福云和尚今日非唯舉話慶云展閣梨是甚麼心行
明招謙云大小招慶錯下名言九僊清云如今若有
問光孝從上宗乘學人還有分也無光孝也不下禪床
也不拈拄杖也不辟脊打只向他道窮鬼子不要忙少
你一分不得然雖如是癡人面前不得說夢
保寧勇頌云此疾懷來沒量時尋醫求卜過多師濃煎
一服通神散血汗霑流徹四肢雲巖因云是法平等
無高下伊予有分必相亞雖無一法輕與入棒下龍蛇
從變化

鏡清云此言在禪師語中無處可安

鏡清住禪師僧問學人未達其源乞師方便師云是甚麼
源云其源師云若是其源爭受方便尋後侍者問道來成
禪伊不師云無者云不成禪伊不師云無者云和尚尊意
如何師云一點水墨兩兩成龍

雪竇顯於爭受方便處云死水裏浸却有甚用處於未
後云猶較些子雪竇不是戒鏡清威光要與這僧相見
是甚麼源其源三十年後與汝三十棒五祖戒云與
麼道也太險雖然語險爭柰用得這一點親要會麼莫
恠鏡清多意氣他家曾謁聖明君圓悟勤云鏡清機
如掣電眼似流星一切世界悉皆成就要且只解委曲
不解直截還委恁麼有意氣時添意氣不風流處也風
流南堂靜云大小鏡清元來脚手小今夜忽有問適

來莫成塊伊麼無莫不成塊伊麼無未審尊意如何一
點水墨市地成金毛獅子

保寧勇頌云鏡水平湖碧湛然茫茫曾未達其源王維
妙手堪圖畫一點成龍附處全

若爲分碧眼黃頭笑未聞莫怪鏡清多意氣他家曾謁
聖明君

雲溪恭云手把空行未是難難中難是問其
源其源未達奈何也且看成龍點下分

玄沙初謁雪峯後欲徧歷諸方參尋知識攜囊出嶺禁著
脚拍頭流血痛楚忽然猛省云是身非有痛自何來遂即

回雪峯雪峯問云那箇是備頭隨師云終不敢許於人雪
峰忽一日召云備頭隨何不徧參去師云達磨不來東土
二祖不徃西天舉然之

本覺一頌云釣魚船上謝三郎趯倒須彌返故鄉應笑
途中未歸客伶俚旅泊向他鄉

佛國白云蒼然趯破
便知休百越青山更不遊從此七閩江上月至今空落
釣魚舟

雲居禪師僧問全無學處如何立身師云無立身處僧云
佛事何勞師云不同興化

投子青頌云苔斂煙收紫氣旋拱斑窠幄退堯年鳳樓
不宿桃源客豈並金光矚漢天

廣教志禪師僧問是甚麼物學人不曾師云生在冀州
投子青頌云禁幄重開苔蘚深金鈴不動侍無入誰攜
斑杖來相問却說東園麥隴青

雲門偈禪師到洞巖巖問作甚麼來師云親近來巖云亂

走作甚麼。師云：暫時不在。嚴云：知過。即得。師云：和尚亂走作甚麼。

鼓山晏國師示衆云：諸和尚盡道向諸方參學，未審參箇甚麼學箇甚麼。還有參得者也無有。即出來對衆驗看。諸和尚爲復參禪。參道參佛。參法。參毗盧師法身主。參佛向上事。涅槃後句。若實參此得無。大妄喚作望上心。不息與諸和尚了無交涉。

風元沼禪師僧問：如何是學人親切處。師云：須彌南畔齊打鼓，賀蘭山上築皮毬。

投子青頌云：親切曾伸問，老翁東山歌唱比山吟。弄潮須是江吳客，別語還他漢地人。

首山念禪師僧問：如何是學人用心處。師云：惟你一問遲。

也。

投子青頌云：未語難明迷悟情，發言方表赤心人。祇貪進步求名玉，爭信靈苗不受春。

五祖演禪師每遇僧來，請益和云：無這閑工夫。

佛眼遠頌云：彼此且無相負累，行人無不失鉤錐。雖然不瞎衆生眼，也好拳頭劈口槌。

五祖云：老僧遊方十餘年，參數十人，善知識將謂了當。及到浮山圓鑑，會下更開口，不得末後。又到白雲因，敲破一箇鐵酸餛，直是白味具足。且道餛子一句作麼生。道花發雞冠媚，早秋何人能染紫絲頭。有時風動頻相倚，似向堦前闌不休。

此禪需云：五祖老和尚恁麼說話，大似乞兒見小利。

松源奇云五祖恁麼說話猶欠悟在
月庵果頌云白雪鐵酸餚袖僧難下口忽然齧得破大
作獅子吼

省訪

雲巖晟禪師同道吾自南泉回藥山師問藥山云如何是
異類中行山云吾今日困倦且待別時來師云某甲特爲
此事歸山來山云且去師便出道吾在方丈外聞師不罵
不覺齧得指頭血出吾却下來問師師兄去問和尚那因
緣作麼生師云不爲某甲說吾便低頭

丹霞淳頌云飢餐嫩草渴飲寒泉曲澗回波蕩
不耕空劫地暮天何用牧歌催

洛浦安禪師一日有故人來訪問云倏忽數年何處逃難

師云只在闌闌中如何不向無人處去師云無人處去有
何難云日如闌闌中如何逃避師云雖在闌闌中要且無
人識故人罔措復問西天二十八祖至此土人傳一人且
如彼此不垂曲者如何師云野老門前不話朝堂之事云
合談何事師云來逢別者終不開拳云有人不從朝堂來
相逢時還話不師云量外之機徒勞目擊故人無對
洛浦僧問學人擬歸鄉時如何師云家破人亡子歸何處
云恁麼則不歸去也師云庭前殘雪日輪消室內紅塵遣
誰掃

丹霞淳頌云太平鄉國路空賒歸興悠悠思莫涯撒手
到家何所有琉璃寶殿鎖蟠華

蛤溪道者相訪洛浦安禪師安問自從翠溪相別今得幾

年者云和尚猶記得昔時事安云見說道者總忘却年月也者云和尚住持事繁且容子細看安云打即打會禪漢者云某甲消得安云道者住山事繁
丹霞淳頌云這般消息不尋常蟾桂枝枝布遠香昨夜嫦娥呈巧妙眼睛直上綉鴛鴦
護國澄禪師僧問如何是本來父母師云頭不白者云將何奉獻師云慇懃無米飯堂前不問親
丹霞淳頌云出門遍界無知己入戶盈眸不見親虛室夜寒何所有碧天明月頗為隣

禪林類聚卷第十一終

禪林類聚卷第十二

遊山

馳書

緣化

應化

神異

因果

沐浴

偃息

遊山

辭送附

百丈海禪師侍馬祖遊山歸忽然哭同事問云憶父母耶師云無云被人罵耶師云無云哭作甚麼師云問取和尚同事往問馬祖祖云你去問取他同事回至寮中見師呵哈哈大笑同事云適來爲甚麼哭如今爲甚麼笑師云適來哭如今笑同事罔然

佛眼遠頌云一四思想一傷神不覺翻然笑轉新雲在嶺頭閑不徹水流澗下太忙生鼓山珪云世間名利

茶萸禪師問僧閣梨爲復遊山翫水爲復問道參禪僧云和尚試道者師云雕蚌鏤蛤不蟻之泥勞君遠至云渾身是鐵倘破一撓師云降軍不斬

圓悟勤云言前收句後殺峻疾不通風直饒釘着鐵舌也無啗啄處且道爲甚麼如此非人得其便

古德頌云遊山翫水事尋常早曉歸來鬢欲霜踏破草鞋回首看數聲猿叫白雲鄉

仰山寂禪師問僧近離甚麼處云廬山師云曾到五老峰麼云不曾到師云閣梨不曾遊山

雲門云此語皆慈悲之故有落草之談 馮山秀云今人盡道慈悲之故有落草之談只知捉月不覺水深忽若雲門當時謹慎唇吻未審後人若爲話會然水母無

鉢
鉢
鉢

自來食須假於蝦 黃龍心云雲門仰山只有受壁之心且無割城之意殊不知被這僧一時領過黃龍今且更作死馬醫乃拈拂子度與僧僧擬接師便打 大溪詰云仰山可謂光前絕後雲門雖然提綱宗要鉗鍵天下衲僧爭奈無風浪起諸人還識這僧麼親從廬山來雪竇顯頌云出草入草誰解尋誰白雲重車紅日果果左顧無瑕石眚已老君不見寒山子行太早十年歸不得忘却來時道

大隋內傳辭師問甚處去云峨嵋山禮普賢矣師豎起拂子云文殊普賢總在這裏僧畫一圓相拋於背後却展兩手師云侍者將一貼茶與這僧

保福展云若無後語笑他衲僧 雲門別云西天斬頭

截臂這裏自領出去。五祖戒云：大隋不因一事，不長一智。雪竇顯云：殺人刀，活人劍，具眼底，辨取。鴻山秀云：大隋茶非類，趙州茶既不類，趙州茶得之者少矣。這僧得之，且有甚長處，然不義之財，於我如浮雲。天童覺云：識法者，懼欺，敬者，亡。水中擇乳，須是鷄王。保寧勇頌云：柳標杖頭光，閃爍錫羅捲裏面，皺皺有橫背，負出門去，好是無人敢駐留。古德云：一輪明月照瀟湘，更不逢人問，故鄉自是天涯慣，為客任他猿叫斷人腸。

巖頭因僧辭師，問甚麼處去。云：入嶺禮拜雪峯去。師云：雪峯若問巖頭如何，但向他道：近日在鄂州湖畔住，只將三文買箇黑老婆，每日撈蝦拖蜆，且恁麼過。時僧到雪峯，舉

似前話。峯云：窮鬼子，得與麼快活。不徹。陸澄作買箇撈波子。上方益云：既是窮鬼子，為甚麼快活。不徹。不見道樂客不如苦主人，雖然如是，而今且在滄溟上釣，得鯢鯨未可知。

海印信頌云：且於湖畔撈蝦蜆，不向滄溟釣巨鰲。一葉扁舟一蓑笠，閑眠閑坐任風濤。古德云：三文娶得一妻賢，拖蜆撈蝦在釣船。雪老未知窮活計，看來不直半文錢。

曹山本寂禪師辭洞山。山云：子向甚麼處去。師云：不變異處去。山云：不變異處，豈有去耶。師云：去亦不變異。卅霞淳頌云：家家門掩蟾蜍月，處處鶯啼楊柳風。若謂縱橫無變異，猶如擲劍擬虛空。

雲門假禪師僧問如何是學人自己師云遊山翫水

佛慧泉頌云南嶽山前徑山後瀑布聲如雷震吼拈却

笠子露頂行踏破草鞋赤脚走地藏恩云杖梨林下

步莓苔擾擾勞生眼未開好是落花隨淥水一時流出

洞中來開福寧云遊山翫水尋常早晚歸來鬢欲

霜踏破草鞋回首看數聲猿叫白雲鄉無爲子云學

人自己遊山翫水只知踏破草鞋忘却來時年幾

雲門僧問不起一念還有過也無師云須彌山

五祖演云有時問者師僧或豎一指或進一步或下一

喝或拂袖便去上座未在何故太平未曾向二三月下

一陣雪向汝諸人在如有箇漢出來道老和尚莫七顛

八倒見今下也不是乃展手云應庵華云雲門道

得不妨諦當要且落在第二頭若是明呆即不然忽有

人問不起一念還有過也無只對他道致將一問來

洞山聰頌云不生一念豈通宗其僞分於一句中繁著

眼光裴杜口須彌當面作弄風保寧勇云萬仞峰前

立大乖須臾駐眼落懸崖通身不換毫毛者天上人間

安收埋無盡居士云一念沈沈尚有無且空拈出大

彌盧直饒玉兔金烏急宮殿巡遊落半途

羅山閑禪師在禾山送同行矩長老出門次師把拄杖向

前一擺矩無對師云石牛欄古路一馬勿雙駒後有僧舉

似踈山山云石牛欄古路一馬生三寅

鼓山圭頌云不踏門前路春歸又一年落花紅滿地芳

草碧池大徑山杲云出門握手話分携古路迢迢去

莫追却笑波心遺劍者區區空記刻舟時

保福使禪師與長慶遊山次師以手指雪峯舊院云教中

道妙高峯頂莫只這裏便是麼慶云是即是可惜許後舉

似鏡清清云若不是孫公便見雪巖編野小異

僧問鼓山只如徒和尚恁麼道意作麼生山云孫公若

無此語可謂體體徧野白骨連山雪巖顯云今日共

這漢遊山圖箇甚麼復云百千年後不道全無祇是少

汾陽昭頌云因上高巖到頂頭僧人致問已圓周是即

便是可惜許只恐同音別處遊草堂清云八萬四千

非一一七金山內海滔滔妙高峯頂平如掌誰把長竿

釣巨鼈雪巖云妙峯孤頂草離離拈得分明付與誰

不是孫公辨端的雪巖著地幾人知佛心才云攜手

雜錄

相將孰共行目前唯觀妙高山雲泥不隔來時路付與

兒孫觸處看

慈明問僧行脚須知有行脚事作麼生是行脚事云知師

云知底事作麼生云山高水深師云念汝遠來且坐喫茶

僧云諾諾僧問行脚不逢人時如何師云釣絲絞水

石旧董頌曰老倒慈明為指迷釣絲絞水出群機時人

貪看蘆花白不見沙鷗隔岸飛非頌集声

馳書

國一欽禪師因馬祖遣人送書至書中作一圓相師發誠

見遂於圓相中著一點却封回後忠國師開得乃云欽師

猶被馬師惑

保福展云甚處是感處作麼生得不感去雪巖顯云

編對石局

徑山被惑且置若將呈似國師別作箇甚麼伎倆免被
惑去有老宿云當時坐却便休亦有道但與劃破若與
麼只是不識着敢謂天下老師各具金剛眼睛廣作神
通變化還免得麼雪竇見處也要諸人共知只這馬師
當時盡出早自惑了也 五祖戒云兩彩一賽又云三
人指路擬何爲 大滂詰云諸人還識馬祖徑山麼一
點水墨兩處成龍國師道欽師猶被馬師惑可謂千里
同風不見道手執夜明符幾箇知天曉 徑山果云馬
師仲冬嚴寒欽師孟夏漸熱雖然寒熱不同彼此不失
時節忠國師爲甚麼却道欽師猶被馬師惑還委悉麼
無風荷葉動決定有魚行
佛印元頌云馬相當時見徑山同風微露密機關無端

却被南陽老平地坑人似等閑 照覺總云被惑之言
事有由神交千里芥針投誰言解使雲通信我不然号
石點頭 地藏恩云自南自北自西自東溪山雖異雲
月還同何事南陽老倒令人搔擾忽忽

南泉願禪師有書與茱萸云理隨事變寬廓非外事得埋
融寂寥非內僧乃問如何是寬廓非外黃云問一答百也
無妨云如何是寂寥非內黃云觀對聲色不是好手僧又
問長沙沙瞪目視之良久又進後語沙乃閉目示之僧又
問趙州州作喫飯勢又進後語州以手拭口後僧舉似師
師云此三人不誤爲吾弟子

佛鑑懃云南泉雖則養子之緣其奈憐兒不覺醜殊不
知三人一人有足無目一人有目無足一人足目俱無

雖然如是皆可與南泉爲師爲甚如此事理分明 承
天簡云此三人一人得皮一人得肉一人得髓不
管 南堂靜云好南泉父子大衆若是南堂即不然如
何是理隨事變潔錦江頭濯錦時桃花似錦柳如眉如
何是事得理融太湖三萬六千頃月在波心說向誰如
何是寬廓非外遂拈拄杖倚左邊如何是寂寥非內却
拈拄杖倚右邊云不要動著動著便二十棒
古德頌云淡泊洋洋膝上琴包藏古意亦何深霜天有
月西風急落岸斷崖秋水音
玄沙備禪師令僧馳書上雪峯峯上堂開緘見三幅白紙
乃呈示大衆云會麼良久云不見道君子千里同風僧歸
艤似師師云山頭老漢踞過也不知

東禪齊云甚麼處踞過若的踞過師豈不會弟子意若
不恁麼會只如玄沙意作麼生若會便參取玄沙 五
祖戒出語云將謂胡鬚赤 黃龍南云雪峯不道無長
處既被玄沙識破直至如今雪不出 海印信云智與
師齊戒師半德智過於師方堪傳授要且欠一著在
開善謙云玄沙白紙爭奈文彩已彰雪峯既曰千里同
風何故不知踞過不見道養子莫教太大了作家賊
汾陽昭頌云故遣馳書達遠信不干文字示家風回來
却報玄沙語踞過分明理更封 佛性泰云白紙三張
通信去展開千里却同風陽春轉入胡笳曲不是風吹
別調中 佛心才云踏翻釣艇承家業笑取蘆花月正
圓地闊天長三幅紙同風千里爲誰宣 慈受深云玄

沙象骨眼睛烏白紙三番便當香千里同風多錯會一條拄杖兩人扶

緣化

保壽二世禪師因先保壽問父母未生前還我本來面目來師立至深夜下語不契翌日辭去壽云汝何往師云昨日蒙和尚設問某甲不契往南方參知識去壽云南方禁夏不禁冬我此間禁冬不禁夏汝且作街坊過夏若是佛法闍闍之中浩浩紅塵常說正法師不敢違一日街頭見兩人交爭揮一拳云你得恁麼無面目師當下大悟走見先保壽未及出語壽便云你會也不用說

五祖演云若人於此知落處可謂公辦私辦大衆聽取一頌甚妙也甚妙於此知性命譬鼻與一拳當時便打

正 南華曷云一拳打就無面目碧眼胡僧觀不足秋

來黃葉落紛紛六六翻成三十六枯木成云南北東

西是處時更深歸去月如鉤春風一陣花狼籍不覺思

量暗點頭 佛性云一拳拳倒黃鶴樓一踢踢翻鸚

鵒洲幸有傍人爲著乃自家端坐看揚州 夢庵信云

鬧市相逢兩知識面目無來太費力粉骨碎身未足酬

一句了然超百億

應化

明州布袋和尚未詳姓氏形才腰腰往來通衢鬧市或問在此何爲答云等箇人來云人來也答云汝不是這箇人或解布袋百物俱有或拈起示人云這箇是堯率內院底或於我採果子與僧僧擬接師乃縮手云汝不是這箇人

或見僧行過乃拊背一下僧回首乃云與我一文錢有特
倚布袋終日憨睡或起行市肆間小兒譁逐之或以拄杖
或數珠與兒戲有僧問如何是祖師西來意遂放下布袋
叉手而立僧云只此別更有在乃提布袋肩負而去或本
保寧勇頌云咄這憨皮袋肩負兼服大終日在街頭市
行無買賣阿呵呵歸去來典錢還却債 佛慧泉云拈
起即行放下便歇瞌睡阿師弄巧成拙佛意祖意寧知
裙子襦衫百結有時獨立兮誰是知音歸去來一天明
月 圓通秀云一般萬樣有誰能會瞌睡老僧拄拾蒲
袋心無諸受觸處一味巷尾街頭貴賤賣
普化和尚因臨濟院有齊河陽木塔乃同臨濟在僧堂內
坐纔說及師每日在街市學風顛知他是凡是聖濟云待

來與問過須臾師入來濟便問普化是凡是聖師云你道
我是凡是聖濟便喝師乃指兩尊宿云何陽新婦子木塔
老婆禪臨濟小厮兒却具一隻眼濟云這賊師叫云賊賊
便走出

海印信頌云騏驎駑駘辨者稀淺深毛色共同之若非
伯樂垂精鑑千里追風不易騎

洞山聰禪師僧問既是泗州大聖爲甚麼在揚州出現師
云君子愛財取之有道

慈明圓頌云泗州忽示現揚州天下宗師話路稠君子
愛財取有道南海波斯鼻孔齋

神異

世尊因五通僊人問世尊有六通我有五通如何是那

通佛召云五通僊人五通應諾佛云那一通你問我

雪竇顯云老胡元不知有那一通却因邪打正琅琊

覺云世尊不知可謂因正而打邪五通因邪而打正

翠巖芝云五通如是問世尊如是答要且不會那一通

雲峯悅云大小瞿曇被外道勘破了有傍小甘底麼出

來我要問你作麼生是那一通雲蓋本云世尊如是

召五通如是應作麼生是那一通良久云蛇女已歸霄

漢去獸郎猶在火邊蹲

保寧勇頌云無量劫來曾未遇如何不動到其中莫言

佛法無多子最苦瞿曇那一通雲溪恭云問佛如何

那一通世尊當面指迷蹤祥雲密密微微雨大震雷音

市地風長靈卓云汝問如何此問親嶺梅江柳共芳

春抱賊不用存搜檢已自當堂露賊身正覺洩云那

一通你問我令人慚愧釋迦老只知步步踏紅蓮不覺

茫茫入荒草佛印元云僊人一問通皆備却是瞿曇

一物無喚得鬼來依舊放幾多山鬼暗相呼

世尊因耆婆善別音響至一塚間見三箇髑髏乃敲一髑

髏問耆婆此生何處婆云此生人道又敲一云此生何處

婆云此生天道世尊又別敲一問此生何處婆罔知生處

塗毒策頌云如來一擊少人知直下分明更是誰無限

月光隨水去片雲偏向故山歸

殃崛摩羅未出家時事外道受教爲憍尸迦欲登王位用

千人拊指爲花冠所得九百九十九唯欠一指遂欲殺母

取指時佛在靈山以大眼觀之乃化作沙門在殃崛前殃

爲位官也

崛逐釋母欲殺佛佛徐行殃崛急行追不及乃喚六瞿曇
住住佛告曰我住久矣是汝不住殃崛聞之心忽開悟遂
棄刀投佛出家佛即授與落髮披衣

佛燈珣頌云急行緩步無前後渾踏長安路一條殃崛
忽然知住處便能平步上雲霄花冠不用娘生指鬚髮
寧煩費力搖好是移花兼蝶至等閑買石得雲饒踈
山如云殃崛雄雄力勇銳瞿曇住住息風波殺入作佛
當頭剗覆兩翻雲在剎那

殃崛摩羅因持鉢入城到一長者家值其婦產難長者告
云沙門是佛弟子有何方便救得我家產難殃崛云我乍
入道未知此法當去問佛却來相報乃速返白佛具陳上
事佛告云汝速去談我自從賢聖法來未曾殺生殃崛依

佛所說往告長者婦聞之當時分免母子平安

覺海元頌云聖法從來不殺生本無生殺且精明是諸
人我皆空相一切冤親盡假名非密纔露除熱惱玉蓮
金子兩敷榮鼓山珪云月裏姪娥不畫眉只將雲霧
作羅衣不知夢逐青鸞去倘把花枝蓋面歸徑山杲
云華陰山前百尺井中有寒泉徹骨冷誰家女子來照
影不照其餘照斜領

那吒太子析肉還母析骨還父然後現本身運大神力爲
父母說法

佛眼遠云肉既還母骨既還父用甚麼爲身學人道到
這裏若見得去廓清五蘊不盡十方乃爲偈曰骨還父
肉還母何者是身分明聽取山河國土現全軀十方世

界在裏許萬劫千生絕去來山僧此說非言語徑山
杲云骨肉都還父母了不知那箇是那吒一毛頭上翻
身轉一一毛頭渾不差

破竈臨禪師因嵩山鳩有廟甚靈殿中唯安一竈遠近不
輟祭祀師以杖敲竈三下云咄此竈只是泥瓦合成聖從
何來靈從何起恁麼烹宰物命又打三下竈乃傾破墮落
須臾有青衣蛾冠設拜云我本此廟竈神久受業報今蒙
禪師說無生法得脫此處生天特來致謝師云是汝本有
之性非吾強言神再拜而沒後有僧問師某甲久侍左右
未蒙方便竈神得何宗旨便乃生天師云我只向伊道是
泥瓦合成別也無道理為伊僧佇思師云曾麼云不會師
云本有之性為甚麼不會僧作禮師云隨也隨也破也破

也後有僧舉似安國師國師嘆云此子會盡物我一如可
謂如朗月處空無不見者難拂伊語脉僧乃低頭叉手而
問未審甚麼人拂他語脉安云不知者

佛眼遠頌云禍福威嚴不自靈殘盃冷飯享何人一從
去後無消息野老猶敲祭鼓聲又云春寒料峭凍殺年
少切忌參商別無奇妙低頭侍奉歡喜問訊佛法商量
傷子性命佛燈珣云倚竈惟靈不是靈靈從斷處一
堆塵野老不來敲祭鼓因正打邪別是春

仰山寂禪師一日忽見異僧乘虛而至作禮而立於前師
問近離甚處云早晨離西天師云何太遲生云遊山翫水
師云神通妙用則不無閑黎佛法須還老僧僧云特來東
土禮文殊却遇小釋迦送出西天具多葉與師作禮乘雲

騰空而去

東林總云諸方商量如麻似粟盡道這碧眼胡兒來思蹤去無跡直是光前絕後若不是仰山也難爲繼余諸禪德殊不知這碧眼胡兒騰空而來騰空而去一生只在虛空裏作活計有甚麼光前絕後大小仰山被他將兩杓惡水驀頭澆了也當時集雲峯下自有正令何不施行人衆且道作麼生是正令咄圓悟勸云驅耕夫之牛奪飢人之食是從上來瓜牙這維漢具計多神通妙用到仰山面前直得目瞪口呿何故鶴有九皋難翫翼馬無千里謾追風湛堂準云諸禪德可惜仰山放過這漢當時若是寶峯便與擒住須教維那僧堂前撞鐘集衆責狀趕出況佛法不當人情伊旣稱羅漢我生

已盡梵行已立爲甚麼不歸家穩坐只管遊山翫水參南華岳頌云遠離西竺路迢迢親向支那弄海潮若要清風生閭外拽來更與四藤條疎山如云小釋迦大文殊閑名號任稱呼藤條在握不能用被他碧眼謾塗糊

因果

世尊因調達誘佛生身入地獄遂令阿難傳問你在地獄中安不達云我雖在地獄如三禪天樂佛又令阿難傳問你還求出不達云我待世尊來使出阿難云佛是三界大師豈有入地獄分達云佛旣無入地獄分我豈有出地獄分

翠巖真云親言出親口徑山泉云旣無出分又無入

分喫甚麼作釋迦老子喫甚麼作提婆達多喫甚麼作
地獄還委悉麼自攜餅去沾村酒却著衫來作主人
湛堂準頌云好笑提婆達多入捺落十小劫波然得三
禪妙樂吹布毛須還為窠

三祖璨大師為居士時謁二祖云弟子身纏風恙請和尚
懺罪云將罪來與汝懺士良久云覓罪了不可得祖云
我與汝懺罪竟且依佛法僧住士云今見和尚已知是僧
未審何名佛法祖云是心是佛是心是法法佛無二僧寶
亦然士云今日始知罪性不在內不在外不在中間如其
心然佛法無二也祖深器之即為剃髮云是吾寶也宜名
僧璨執侍二載乃付達磨信衣正法眼藏說偈密囑護持
無令斷絕

琅琊覺云猶欠作云何梵在

佛國白頌云罪已無根性已空正生風颭不生風至今
山谷山前水一派清波入海中無為子云落溪水急
天柱峰高洞然明白不隔絲毫從來生計平如掌後世
兒孫弄海潮佛鑑勸云三相以罪懺罪二祖將錯就
錯一陣清風劈面來罪花紫果俱凋落靈卅一粒有神
功瘥病不假驢馳藥是古佛云風恙纏身覓罪不得
九萬里程展摩霄翼五祖演云無孔角子穩拍板五
音六律皆普徧時人不識黃旛綽笑道儂家登寶殿
百丈海禪師每上堂有一老人常隨眾聽法眾退老人亦
退忽一日不退師遂問汝是何人老云諾某甲非人也於
過去迦葉佛時曾住此山因學人問大修行底人還落因

東林錄
卷之四
百八十四
前集
後集
卷之四
百八十四
前集
後集

果也。無某甲對云：不落因果，致五百生墮野狐身。今講和
尚代一轉語，貴脫野狐身。遂問：大修在底？人還落因果也？
無師云：不昧因果。老人於言下大悟。作禮云：某甲已脫野
狐身。住在山後，敢告和尚。乞依亡僧事例。師令維那白槌
告衆：食後送亡僧。衆議：一衆皆安，何故如是？食後，師乃領
衆至山後，巖下，以杖指出：一死野狐，乃依法火葬。師至晚
上堂，舉前因緣。黃檗便問：古人錯，祇對一轉語。墮五百生
野狐身，轉轉不錯，合作箇甚麼？師云：近前來，與你道。檗遂
近前，與師一掌。師拍手笑云：將為胡鬚赤，更有赤鬚胡。
鴻山在會下，作典座。司馬昭隱舉前話，問：鴻山乃據門
扇三下。司馬云：太龜生。鴻云：佛法不是這箇道理。鴻
山又舉，問：仰山仰云：黃檗常用此機。鴻云：天生得從入

得仰云：亦是稟受師承，亦是自性宗通。鴻云：如是如是。
天聖泰云：三生六十劫。

堯率悅頌云：萬丈洪崖倚碧空，人間有路不能通。奈何
一點雲無礙，舒卷縱橫疾似風。上方益云：江北江南
問野狐，只因昧落有差殊。鴻門一踏開雙扇，那箇男兒
是丈夫。百丈政云：盡師盡地獄，盡出百千般。駢筆從
頭看，特地骨毛寒。無盡居士云：化形來問大修行，當
下金篋刮眼睛，轉得野狐成百丈。夜來依舊野干鳴，
徑山杲云：不落不昧石頭土塊陌路相逢，銀山粉碎拍
手呵呵笑。一場明州有箇憨皮袋。
雲門偈：禪師僧問殺父殺母佛前懺悔，殺佛殺祖甚處懺
悔。師云：露。

應庵華云雲門露猛如虎達磨師不是祖豈不見鹽官
老須彌爲槌虛空爲鼓又不見禾山老解打鼓休莽
甜瓜徹蒂甜苦瓠連根苦唱一喝又拈云光孝者一轉
語不是老僧見處亦非垂手爲人何故豈不見道字經
三寫烏焉成馬

白雲端頌云鼓土揚塵無避處將身直到御樓前四頭
不見來時路下是黃泉正是天正覺逸云石火流星
曾未急璇機電卷一何遲雲門露字突然出著眼看時
鷓鴣子飛天童覺云露超宗越祖人言渠熟返魂香我
道伊搗塗毒鼓東林顏云椎鐸搗鼓轉船頭席卷波
翻滅激流洗脚上船乘快便順風相送下揚州

沐浴

世尊因跋陀婆羅并其同伴十六開士白佛言我等先於
威音王佛聞法出家於浴僧時隨例入室忽悟水因既不
洗塵亦不洗體中間安然得無所有宿習無忘乃至今時
從佛出家令得無學彼佛名我跋陀婆羅維妙禪宣明成佛
子住

雪竇顯云諸禪德作麻生會他道妙禪宣明成佛子住
也須七穿八穴始得乃頌云了事衲僧消一箇長連牀
上展脚卧夢中曾說悟圓通香水洗來薰面唾塗毒
策云洗塵觸體兩空寂妙證客圓超見思白壁無瑕空
受玷圓通會裏受塗糊

天蓋幽禪師因有一院名無垢淨光禪院化浴室有人問
既是無垢淨光爲甚麼却造浴室僧無語後請師代師云

三秋明月夜不是鵝團圓

丹霞淨頌云雖然芥盞深深意爭奈投機句未親欲會本來無垢的更須入水見長人

偃息

馮山祐禪師一日卧次見仰山來師乃轉面向壁卧仰云某甲是和尚弟子不用形迹師作起勢仰便出去師乃召云寂子仰回師云聽老僧說箇夢仰低頭作聽勢師云爲我原看仰取一盤水一條手巾來師遂洗面了纔坐香嚴入來師云我適來與寂子作一上神通不同小小嚴云某甲在下面了了得知師云子試道看嚴乃點一椀茶來師歎云二子神通皆慧過於鶯子目連

佛鑑懃云夢中說夢深計馮山妙用神通須還二子傳

茶度水耀舌騰今年老心孤憐兒惜子向僧門下一人在門外一人在門裏更有一人徧界不曾藏佛眼覩不見大馮智云馮山老人幸自日午高眠何用起來夢中說夢又道二子神通過於鶯子恁麼說話檢點將來正是破壞家門殊不知祇是兩箇了事底漢當時若一棒一條痕通身日杲杲豈不快哉

南堂靜頌云撥草瞻風孤峯獨宿鼓無絃琴唱無生曲馮仰香嚴鼎之三足臨機不費纖毫力任運分身千百億古德云取水烹茶不露機當時原夢善知時如斯始爲僊客鶯子神通豈及伊

鏡清休禪師問雪峰古人有言峰便倒卧良久起云問甚麼師再問峯云虛牛浪死漢

投子青頌云尋常愛客恨無來及至人來懶話陪空卧
早知眠不當虛勞紅臉落寒灰

禪林類聚卷第十二

禪林類聚卷第十三

問疾

醫卜

藥餌

遷化

追忌

問疾

馬祖一禪師因不安院主問和尚近日尊位如何師云日
面佛月面佛

雪竇顯頌云日面佛月面佛五帝三皇是何物二十年

來曹苦辛為君幾下茶龍窠倒堪述明眼衲僧莫輕忽
保寧舅云蒲團上端坐針眼裏穿線西風一陣落葉
兩三片野軒遊云少年公子忽猖狂半夜穿雲入洞
房二八僊娥百般巧眼睛之上繡鴛鴦真淨文云日
面月面胡來漢現一點靈光萬化千變無盡居士云
什那駒子氣生獐蹏踏毗盧頂上行正患脾疼却頭痛
病來猶有巧心悄南華島云日面月面空中閃電額
杼停機現成招箭天童覺云日面月面星流電卷鏡
對像而無私珠在盤面自轉君不見鉗鎚前百煉之金
刀尺下一機之綃

大瀉祐禪師問道甚趣去來吾云看病來師云有幾人
病吾云有病底有不病底師云不病底莫是智頭陀不吾

云病與不病總不干他事急道急道師云道得也與他没交涉

天童覺頌云妙藥何曾過口神醫莫能捉手若存也渠本非無至虛也渠本非有不滅而生不亡而壽全超威音之前獨步劫空之後成乎也天蓋地擎運轉也鳥飛兔走

洞山因看病僧云火風離散時如何師云來時無一物去亦任從伊云爭奈癰瘡何師云須知有不病者云如何是不病者師云悟則無分寸不悟隔山坡云前程還計卜度也無師云雖然果似漆成衣在今時南堂靜頌云火風離散後一物鎮長靈佛國黃金地大堂白王亭前穩休卜度所至要惺惺一念心清淨人間

亦只寧

洞山因不安僧問和尚病還有不病者麼師云有云不病者還看和尚不師云老僧看他有分云和尚看他時如何師云老僧看時則不見有病

天童覺頌云卸却臭皮袋拈轉赤肉團當頭鼻孔正直下髑髏乾老醫不見從來癖少子相看向近難野水瘦時秋潦退白雲斷處舊山寒須勤絕莫瞞預轉盡無功伊就孤標不與汝同盤

玄沙示眾云諸方老宿盡道接物利生忽遇三種病人來如何接患盲者拈槌豎拂他又不見患聾者語言三昧他又不得且作麼生接若接此人不得佛法無靈驗時有僧出云三種病人和尚還許商量

不師云許汝作麼生商量其僧珍重出師云不是不是富時地藏出云其中有眼耳和尚作麼生接師云慚愧使歸方丈

後有僧持此語請益雲門門云汝禮拜著僧禮拜起門以拄杖拄之僧乃退後門云汝不是患盲復喚僧近前來僧繼近前門云汝不是患聾那復云還會麼云不會門云汝不是患瘧其僧於此有省法眼云我當時見羅漢和尚舉此僧語我便會三種病人雲居錫云只如此僧會不會若道會玄沙又消不是若道不會法眼爲甚發道我因此僧語便會三種病人上座無事上來商量大家也要知雲寶顯舉了便喝云這盲聾瘧瘧漢若不是雲門驢年去如今有底或拈拄杖豎拂他又

管教伊近前他又_{不來}問還會麼他又_{不應}諾方還奈何得麼雪竇若不奈何汝這一隊驢漢又堪作甚麼以拄杖一掃趁散天童覺云雲門平展這僧實酬且道悟在甚麼處不救之疾難爲針艾

白雲端頌云退後進前_{對辯相逢邂逅難回面}春風驚地撼庭前還見落花千萬片佛鑑勸云雲門老子手親眼親因風吹火不費精神盲者便視聾者便聞雖然無語掛在口唇三種病人一種法門鼓山珪云盲聾瘧瘧接不得玄沙枉費關心力扁鵲盧醫拱手歸三人俱是膏肓疾徑口果云玄沙三種病人話透出雲門六不收莫待是非來入耳從前知己返爲讎

浮石禪師云山僧開箇卜鋪子能斷人貧富生死僧便問
離却貧富生死不落五行請師直指師云金木水火土
佛鑑勸云吉凶悔吝生乎動動靜興亡本乎心若以衲
僧無文印子一印印定毫髮無差浮石雖然解下不會
斷卦若是智海即不然離却貧富生死不落五行請師
直指向伊道今日閑梨有灾待伊眼睛定動太間吉凶
自兆大鴻智云浮石爲人放不下有許多五行斷人
吉凶若是衲僧門下天不能蓋地不能載東西南北都
無罣礙大丈夫兒從來自在大圓底麼說話還有傍不
肯底麼良久云一任鑽龜打瓦久久爲害爲灾塗毒
策云若向上觀貪富禍福吉凶皆爲其用這僧離却煩
惱別求安樂累他浮石不免爲蛇畫足今時人纔見道

金木水火土便道太好不落五行不識鉤頭意錯認定
盤星有者又道閑梨今日有灾未免識情卜度畢竟如
何莫恠來源萬丈高一條界破青山色

西禪需頌云金木水火土始終總倒數五六下四三初
爻傳白虎苦苦卜得此卦一生貧遠信不來病人死

藥餌

文殊一日令善財採藥云是藥者採將來善財徧觀大地
無不是藥却來曰文殊云無有不是藥者文殊云是藥採
將來善財遂拈一枝草度與文殊文殊提起示衆云此藥
亦能殺人亦能活人

五祖戒出善財語云慚愧首山念云文殊大似掩耳
偷鈴琅琊覺云文殊可謂誠實之言要且額頭汗出

口裏膠生。大滄詰云善財能採文殊能用非但寢疾
毗耶直饒盡大地人抱必死之疾到文殊所教他箇箇
脫體而去何故解用不須霜刃剗延齡何必九還丹
應庵華云大小文殊破毒財換却眼睛。東山空云善
財拈來只是尋常草木文殊提起未爲出格神醫後來
望風乃高其價東山謂伊兩人未免俱在草裏。
保寧勇頌云大地蒼生病似麻吉祥靈藥示無涯其間
殺活難分辨又是重添眼裏花。楚安方云善財拈起
一枝草持來度與文殊老殺活雖然在手中遍界不藏
光杲杲。雲溪恭云歷劫何曾異明明百草頭甘和苦
滋味死活病須瘳好笑文殊老憐兒不常羞。佛印元
云是藥拈來更不疑師資相見在臨時從茲病甚無醫

起殺活還應作者知。正覺逸云信手拈來草最靈一
技能殺亦能生勞歎室利開金口直至而今藥道行
照覺總云藥病相治貶更褒當機生殺按吹毛毗盧海
闊煙波靜誰把長竿釣巨鱉。

雲門偈憚師示衆云藥病相治盡大地是藥那箇是自己
五祖戒頌云藥忌由來鑑作家示徒親切病如麻十方
三世諸知識赫日光中雷電車。雪竇顯云盡大地是
藥古今何太錯閉門不造車通途自寥廓錯錯鼻孔透
天亦穿却。白雲端云左眼不見山河右眼不見日月
直得百花開時一一爲君分別。

遷化

世尊於涅槃會上以手摩胃告衆云汝等善觀吾紫磨金

色之身瞻仰不足勿令後悔若謂吾滅度非吾弟子若謂

吾不滅度亦非吾弟子時百萬億眾悉皆契悟

雲峰悅云然則膏肓之門不足以發藥雲峯今日且作

死馬醫爾等諸人皮下有血麼

佛繼勸頌云言吾入滅非吾子言吾不滅亦非親但見

落花隨水去不知流出洞中春釋迦老子若爲隣臨行

賣弄紫金身雙林盡道泥洹也夜夜群星拱北辰

世尊般涅槃日迦葉尊者最後而至世尊乃於擲中露雙

趺示之迦葉尊者乃作禮請如來以三昧火而自闍維即

時金棺從七寶牀昇舉遠俱尸羅城上市却還本處化火

光三昧而自焚之

地藏恩頌云慚愧老胡擲示雙趺金色寶者還會也無

目前措得未辨精麁達七巾兮成何事箇箇男兒是丈

夫佛鑑勸云未出王宮已涅槃何須雙足露金棺致

令迦葉雙肩皺慶喜門前倒刹竿

漸源又一日將銀子於法堂上從東過西從西過東石霜

云作甚麼源云負先師靈骨鎗云洪波浩渺白浪滔天覓

甚麼先師靈骨聖賢其語甚大甚天源云正好著力鎗云這裏針剗

不入著甚麼力源持鎗有上便出

太原孚云先師靈骨猶在明招諫云莫道作甚麼別

下得甚麼語代云鸛鵲語鶴又代漸源便擲下鎗子云

意淺水無魚

雪竇顯頌云兔馬有角牛羊無角絕毫絕釐如山如嶽

黃金鑿骨今猶在白浪滔天何處著無翅著隻隻西歸

曾失却。保寧勇云終日挨門復倚樓。幾回明鏡照梳頭。一從事却潘郎後也解。人前不識羞。長靈卓云。木人把板雲中唱。石女穿靴水上行。生死死生休更問。從來日午打三更。圓悟勤云。生也全機現。死也全機現。不道復不道。箇中無背面。直下便承當。不隔一條線。逼寒太虛空。赤心常片片。夢庵信云。當時苦口曾不道。悟來靈骨方。討練江寒月。兩蕭蕭。浮雲散盡天如掃。洞山价禪師。僧問。亡僧遷化向甚麼處去。師云。火後一茱茱。

白雲端云。龍門即不然。亡僧遷化向甚麼處去。答云。墻壁有耳。

投子青頌云。野火燒時。越轉新至今。煙酸雨難霖。早地。

紅蓮避日月。無根樹長綠。成陰。佛智裕云。善應隨流。妙意深。明明一箭中。紅心當鋒。不是由基。眼對面。鐵山高萬尋。枯木成。春風吹動。渌波搖。無限船師逐海潮。只見江鷗飛。白浪豈知明月在雲霄。

臨濟玄禪師。臨遷化垂示云。吾去後汝等諸人不得滅却吾正法眼藏。三聖出云。誰敢滅却。和尚正法眼藏。師云。後或有入問你。又作麼生。道聖使喝。師云。誰知吾正法眼藏。向這瞎驢邊滅却。師乃示頌云。沿流不止問如何。真照無偏說。自他離相離名人。不稟吹毛用了急還磨。言訖於法座上端然示寂。

大滄秀云。古者忍死待來。因何正法眼藏却。向瞎驢邊滅。臨濟行計疎速。三聖又却忽忽。因斯父子情忘。遂使。

通智
石霜
百病
才多

後人失望若不得流水多應過別山護國元云諸禪
客若能向斬釘截鐵處明得臨濟一宗掃土而盡其或
未然山僧爲汝諸人露箇消息以拄杖卓一卓復舉起
云還見麼鯨吞海水盡露出珊瑚枝
黃龍南嶺云圓寂將歸叙別時叮嚀法眼好任持喝下
不開泥水路瞎驢從此少人騎白雲端云壁破泰山
雷未猛照開滄海月非光瞎驢滅却正法眼直得哀聲
振大唐保寧勇云出門握手拜叮嚀往往事從叮嚀
生路遠夜長你把火大家吹殺暗中行
石霜諸禪師遷化衆請首座住持時九峰慶禪師爲侍者
白衆問首座云先師消你去歇去冷湫湫地去一條白練
去古廟香鑪去一念萬年去明甚麼邊事會得即住持會

不得不可首座對云明一色邊事慶云與麼則不會先師
意在座云但裝香來香煙斷處若去得即會先師意若去
不得即不會慶遂焚香香煙未斷首座遂脫去慶以手拊
首座背云坐脫立亡即不無先師意未夢見在

雲居舜云你等諸人且作麼生會諸人會處便道首座
與麼說是說道理所以慶侍者不肯伊太愚道慶侍者
盡平生見解只具一隻眼南華曷云透生死關高超
此表乘殺活劍獨據寰中若非智眼洞明未免扶離摸
壁要會麼春蘭與秋菊各自一時榮西禪需云慶侍
者雖然爲衆竭力未免禍出私門若人檢點得出與你
一貼茶

丹霞淳頌云帶角披毛異類身寒灰枯木眼中塵雖然

未盡先師意爭奈臨行一著親開福寧云一片虛凝
且古今麟龍頭角競踈親坐亡立脫知多少鐵樹花開
別是春無盡居士云香煙淡淡風飄處首座凝凝脫
去持不是又參虔侍者石霜巴鼻有誰知

洛浦安禪師臨順寂告眾云吾非明即後也今有事問汝
等若道這箇是即順上安頭若道這箇不是即斬頭覓活
第一座云青山不舉足日下不挑燈師云如今是甚麼時
節作這箇語話有彥從上座出云離此二途請和尚不問
師云未得更道云彥從道不盡師云我不管汝盡不盡云
彥從無侍者祇對和尚師至深夜令侍者喚彥從來方丈
問云你今日祇對老僧甚有道理據汝合體得先師意先
師道目前無法意在目前不是目前汝非耳目之所到且

道那句是主若擇得出分付鉢袋子云彥從不會師云汝
合會但道看云彥從實不會師喝出乃云苦苦次日午前
有僧舉前話問師師云慈舟不棹清波上劍峽徒勞放木
鵝即使告寂

玄覺云且道從上座實不會是怕見鉢袋子拈却伊
天童覺頌云餌雲釣月釣清津年老心孤未得鱗一曲
離騷歸去後汨羅江上獨醒人

紙衣道者因曹山問莫是紙衣道者麼師云不敢山云如
何是紙衣下事師云一裘纔掛體萬法悉皆如山云如何
是紙衣下用師近前應諾便立脫去山云汝只解恁麼去
目不解恁麼來師忽開眼問一靈真性不假胞胎時如何
山云未是妙師云如何是妙山云不徇借師便珍重却坐

脫曹山乃有頌云覺性圓明無相身莫於知見強疎親念
異便於玄體昧心差不與道相隣情分萬法沈前境識鑑
多端喪本真如是句中全曉會了然無事舊時人

南堂靜頌云紙衣下事不假胞胎懸崖撒手襖襟嬰孩
涅槃會上道場開單傳直指狀元來

芭蕉微禪師僧問有一人不捨生死不證涅槃師還提攜
也無師云不提攜云爲甚麼不提攜師云老僧粗識好惡
天童覺云芭蕉雖然識好惡且不能牽耕夫之牛奪飢
人之食如今若有人問長蘆便和聲打爲甚麼如此我
從來不識好惡

投子青頌云自歲兒童山戶來滿身紅爛惹塵埃火中
閑步清涼地識者無因敢近擡

天衣懷禪師云百骸俱消散一物鎮長靈百骸潰散皆歸
土一物長靈甚處安

南堂靜頌云一物長靈甚處安長空雲散碧天寬蓮宮
佛剎花無數起眉毛子細觀

追忌

南泉願禪師爲馬祖忌日設齋垂誥云未審馬祖還來應
供不洞山乃出衆云待有伴即來師云此子雖後生却堪
雕琢山云莫怪良爲賤

南堂靜頌云千尺絲綸直下垂一波纔動萬波隨江上
晚來堪盡處漁翁披得一蓑歸

禪林類聚卷第十三

禪林類聚卷第十四

歲時

解結

日月

風雲

雨雪

水火

趙州諗禪師僧問十二時中如何用心師云諸人被十二時使老僧使得十二時

松源岳云也是徐六擔板

鼓山珪頌云百有三萬六千日一日朝昏十二時使殺老僧渾不管不知間裏有誰知徑山杲云使得十二

時飛吟來却教旦去倚官挾勢欺人茫茫無本可據

洞山价禪師僧問寒暑到來如何回避師云何不向無寒暑處去云如何是無寒暑處師云寒時寒殺閻黎熱時熱

殺閻黎

投子云幾乎與麼去

琅瑯覺云我即不然如何是無

寒暑處僧堂裡去

白雲端云洞山百味具足後來又

合如何忽有人問圓通如何是無寒暑處譬秦便棒參

南堂靜云寒暑到來如何回避日月星辰山河大地迷

則靈龜曳尾悟則猛虎揮翅只如不迷不悟又如何商

量良久云白雲斷處見明月黃葉落時聞搗衣

大道泉頌云無寒暑處如何唱和熱即乘涼寒即向火

多口阿師一場懨懨人人盡欲出常流折令還歸炭裏

坐雪竇頌云垂手還同萬仞崖正偏何必在安排玩

琉璃殿照明月忍俊韓獪空上垆湛堂準云熱時熱

殺寒時寒寒暑由來總不干行盡天涯請世事老蒼頭

戴猪皮冠 長靈卓云偏中有正正中偏 流落人間千
百年幾度欲歸歸不得門前依舊草芊芊

疎山仁禪師僧問如何是冬來意師云京師出太黃

密庵傑頌云有問冬來事京師出太黃食他一粒米失
却半年糧 西禪需云京師出太黃不計謾商量貴買

還賤賣纔喫便郎當 松源岳云京師出太黃見賊便
見賊竹杖化龍去癡人夜夜塘

雲門偃禪師示衆云十五日已前不問汝十五日已後道
將一句來自代云日日是好日

天童覺云屬虎人本命屬猴人相衝

雪竇顯頌云去却一拈得七上下四維無等匹徐行踏
斷流水聲縱觀寫出飛禽跡草茸茸煙景景空生巖畔

花狼籍彈指堪悲舜若多莫動著動著三十棒 海印

信云日日是好日風來樹點顛九江煙靄裏月上謝家

樓 大洪恩云日日是好日誰言無等匹甜瓜徹蒂甜

未必甜如蜜 上方益云冰消河北岸花發樹南枝到

處有春色天涯亦早歸

雲門僧問如何是雲門一曲師云臘月二十五云唱者如
何師云且緩緩

南堂靜云南堂即不然忽有人問如何是南堂一曲遂
作鼓琴聲勢良久云好麼大哥只是不許人借

黃龍南頌云雲門一曲二十五不涉官商角徵羽有人
問我曲因由南山起雲北山雨 真淨文云臘月二十
五騎驢不打鼓春風百草生路上添新土 圓通僊云

憶昔雲門老古錫，曾將今日示當機。奇哉二百年來事，長作胡笳曲調吹。
大洪遂云：一曲韶陽古調清，多年木石化爲精。廣陵傳去人何在，留得杜鵑啼月明。
長靈云：雲門曲調格何高，轉使愁人不奈何。明月清風無價數，一時分付與僊陀。

曹山霞禪師問僧：可殺炎熱。僧云：是師云：只如炎熱向甚麼處回避。云：向鑊湯爐炭裏回避。師云：只如鑊湯爐炭裡作麼生回避。云：衆苦不能到。師默置。
一本只
松源岳云：或問：靈隱恁麼熱，向甚麼處回避。也只向他道鑊湯爐炭裏問。鑊湯爐炭裏如何回避。云：風恬浪靜，丹霞淳頌云：崑崙片玉火中潤，碧落孤蟾水底圓。一念條然無異色，任從滄海變桑田。

首山念禪師僧問：如何是學人親切處。師云：五九盡日又逢春。云：畢竟如何。師云：冬到寒食一百五。

投子青頌云：日暮陰雲郊野深，重陽到後菊花新。不因西嶠殘冰盡，爭得東山一帶春。

佛眼遠禪師因讀靈源十二時歌有偈云：一日日一時時，龍門老心自知。

鼓山珪頌云：時時日日日，時時七七顛。八倒孰是孰非，徑山杲云：日日日，時時時，違時失候箇老古錫。

解結

洞山价禪師示衆云：秋初夏末，兄弟東去西去，直須向萬里無寸草處去。始得。又云：只如萬里無寸草處，作麼生去。後有僧舉似，石霜霜云：何不道出門便是草。僧回舉似師。

師焚香望石霜拜云。大唐國裏能有幾人。
東禪齊云。且道石霜會洞山意。不若消會去。只如諸上
座。每日折旋俯仰迎來送去。爲當落路下。草爲當一。
合轍。若言不會洞山意。又爭解恁麼下語。還有會麼。
上座擬甚麼。云。於此若明得。可謂還鄉曲。也不見也。
會著箇語云。恁麼即不去也。大陽延云。如今直道不
出門。亦草漫漫地。且道合向甚麼處行履。良久云。莫守
寒巖異草。青坐著白雲。宗不妙。白雲端云。若見得石
霜。便見得洞山。老人若見得洞山。老人便見得石霜。洞
山却易。見石霜却難。見爲他不爲住持之絆。不見道雲
在巖頭。閑不徹水流。澗下太忙生。徑山杲云。獅子一
滴乳。迸散六斛驢乳。

疎山如頌云。不亦漫漫草路。遮出門猶更隔。天涯回機
踏著。通霄路。何處青山不是家。佛慧泉云。出門便是
太忙然。萬里無來。未得圓欲識家山歸去路。暮煙輕鎖
綠綿綿。佛眼遠云。出門便是草。閑殺龍門老北去。禮
文殊。南來登五老。鬢髮已蒼浪。言歸恨不早。獨立秋風
前。相思望江岫。好好不用更尋討。天童覺云。草漫漫
門裏。門外君自看。荆棘林中。卜脚易。夜明簾外。轉身難
看。看幾何般。且隨若木同。寒瘡將逐。春風入燒瘢。
昔有一老宿。一夏不與師僧說話。有僧自歎云。我只恁麼
空過一夏。不敢望和尚。佛法得聞。正因兩字也。得老宿
聞。乃云。閑黎莫欺。連若論正因。一字也。無道了。扣齒云。適
來無端。不合與麼道。隣壁有一老宿。聞得云。好一釜羹。被

一顆鼠糞汚却

玄覺徵云且道是讚嘆語不肯語若是讚歎爲甚道鼠糞汚却不肯他有甚麼過驤得麼雪竇顯云誰家金裏無一兩顆南堂靜云雪竇雖古德只解以已方人若是大隨即不然這裏一顆也著他不得爲甚麼如此良久云參

正覺逸頌云一夏調和金裏傳巖猶未許爭衡莫言汚了無人見隣壁禪翁隻眼明慈受深云長夏無別趣調和羹一金滋味頗馨香剛地成點汚口是鍋之門舌是斬身斧陪却三斤鐵只因看錮銘

洞山初禪師參雲門門問近離甚處師云查渡門云夏在甚處師云湖南報慈門云幾時離彼中師云八月二十五

錢袋
コリフア
チシ

門云放汝三頓棒師次日非問昨日衆和尚放某甲三頓棒未審過在甚麼處門云飯袋子江西湖南便與麼去師於是悟乃云某甲從今去向無人煙處不蓄一粒米不種一莖菜接待十方往來善知識與他解黏去縛令飽餓餓却去門云汝身如椰子大開許大口

雪竇顯云雲門氣宇如玉拶著便水消龙解當時若據令而行寸探也未到斷絕曰雲端云大小雲門破洞山一問直得額頭汗出口裏膠生保寧勇別後語云這瞎漢將謂是箇人便打松源岳云諸方盡謂父子投機啐啄同時殊不知雲門正令人行却向草窠裏覓致云洞山打火鼻孔直至如今無摸索處白雲端云一鎚三關破不難如何猶在是非間曲勞

提起飯袋子三頓方知微骨寒。保寧勇云三頓當出。
打不回鐵門重擊鎖方開。堪嗟不著一粒米十字街頭。
接往來。慈受深云去年八月離湖南。行盡千山與萬
山。不與雲門三頓棒。安知虎體有玄斑。佛眼遠云奉
君三頓曲。周遮箇厚雲門。若作家渡水穿雲。五湖客欲
將何物當生涯。文殊道云問答分明。豈偶然須知逆
耳是忠言。洞山眼似銅鈴。轉剛被雲門三頓瞞。
翠巖參禪師夏末示衆云。一夏已來爲兄弟東語西話。看
承翠巖眉毛在也。無。

保福云作賊人心虛。長慶云生也。雲門云關。翠
巖芝云爲衆竭力。禍出私門。又云何故如是得人。一牛
還人一馬。保寧勇云笑殺六衆。

雪竇顯頌云翠巖示徒。千古無對關字。相酬失錢遭罪。
老倒保福。抑揚難得。嘮嘮翠巖分明。是賊白珪無玷。誰
辨真假。長慶相詰。眉毛生也。死心新云作賊保福。擔
枷過狀。生也。長慶迷。迷逐妄掩關。雲門秋江月。照老倒。
翠巖眉。在眼上。大洪遂云青山岌岌。淥水滔滔。穿過
鼻孔。落盡眉毛。

日月

馬祖一禪師。因百丈南泉西堂三人隨侍。翫月。次師問正
當與麼時。如何。西堂云正好供養百丈。云正好修行。南泉
拂袖便去。師云經入藏。禪歸海。惟有普願。超物外。
神鼎隱云只爲老婆心切。翠巖其云神鼎寂翁云只
爲老婆心切。翠巖即不然。垂萬里釣。駐千里烏騅。布緦。

天網收衝浪巨鱗，還有麼有則衝浪來相見，如無且歸巖下待月明。開福寧云：諸禪德馬大師等閑舒卷妙手，天然也是貪觀雲裏鴈，失却渡頭船。若人檢點得出，披毛遊火，聚戴角混泥，其或見處朦朧，爲你下箇註脚，經入藏，禪歸海，未是衲僧親到底。拂袖便行，歸去來。擊碎東關門，大啓重關，既啓還有見馬祖者麼？良久云：休休，長安夜夜家家月，幾處笙歌幾處愁。虎丘隆云：奇怪，諸禪德馬駒踏殺天下人，一捆直教一掌血，及乎三丈上，不度家風，不覺開元，老僧心切，教休告告商量。

新刊王通起兵歌卷五
仁
等
附
錄

志呼來月下問蹤由，眼睛箇箇皆相似。徑山杲云：國清才子貴，家富小兒嬌。大家出隻手，彼此不相饒。

藥山儼禪師一夜登山經行，忽然雲開見月，師乃大笑一聲，應澧陽東九十許里，居民盡謂東家明辰送相，推問直至藥山，徒衆大，昨夜和尚山頂大笑。

李翱尚書贈頌云：選得幽居愜野情，終年無送亦無迎。有時直上孤峯頂，月下披雲笑一聲。塗毒策云：古德隋緣放曠，任意經行，纔立峻峯頭，清聲滿寰宇。山僧亦

天網收衝浪巨鱗，還有麼有則衝浪來相見，如無月歸巖下待月明。開福寧云：諸禪德馬大師等閑舒卷妙手，天然也是貪觀雲裏鴈，失却渡頭船。若人檢點得出披毛游火，聚戴角混泥，其或見處朦朧爲你下箇註脚，經入藏，禪歸海，未是衲僧親到底。拂袖便行，歸去來擊碎重關門，大啓重關，既啓還有見馬祖者麼？良久云：休休，長安夜夜家家月，幾處笙歌幾處愁。虎丘隆云：奇怪，諸禪德馬駒踏殺天下人，一捆直教一掌血及乎三大士各展家風，不覺翻成老寒心。切叢林浩浩商量盡道，說月話奇特，檢點將來，竟由叵耐，正當恁麼時，如何三人證龜成鼈。

海印信頌云：三獸渡河深淺別，不勞精辨迥然分。爭如

巨浸張帆者，不顧波濤過海門。照帶總云：經入藏，禪歸海，唯有普願獨超物外，咄！只有照壁月，且無吹葉風。大鶴喆云：馬師曾說月三子左右侍，吹笛無孔笛清音，拈大地。佛性泰云：張公養得三箇兒，長大不知誰立志。呼來月下問，蹤由眼睛箇箇皆相似。徑山杲云：國清才子貴，家富小兒嬌。大家出隻手，彼此不相饒。

藥山儼禪師一夜登山，經行忽然雲開，見月師乃大笑一聲，應澧陽東九十許里，居民盡謂東家明辰送相推問，直至樂山，徒衆云：昨夜和尚山頂大笑。

李翱尚書贈頌云：選得幽居愜野情，終年無送亦無迎。有時直上孤峯頂，月下披雲笑一聲。塗毒策云：古德隋緣放曠，任意經行，纔立峻峯頭，清聲滿寰宇。山僧亦

有一頌塗毒從來要任緣逢天鼻孔被渠穿冒暑登途
過西浙他年衣鉢有誰傳

槃山和禪師示衆云心月孤圓光吞萬象光非照境境亦
非存光境俱忘復是何物

雲門云直饒與麼道猶在半途未是透脫一路僧便問
如何是透脫一路師云天台華頂趙州石橋又拈云東
海裏藏身須彌山上走馬復以拄杖打禪床一下大衆
眼目定動乃拈拄杖趁散云將謂劄利這漆桶大愚
芝岳起拂子云微塵諸佛光明總在這裏照破你諸人
心肝五臟脾胃肝膽袖僧面前不得道者切且忌口擊
禪床下座 禾山方云山河大地燈籠露柱厨庫三門
皆是光境作麼生是真寶諸人輪轉三界者蓋爲不了

楞嚴經云
五十二身心
所一肝五臟
一膽三司
三毒渴思水
之飲之入之

目前法從生至死無有了期快須薦取莫待雪鬢銀髭
臨渴掘井悔將不及 徑山杲云白鷺下田千點雪黃
鸝上樹一枝花

月堂昌頌云光非照境境非存光境俱忘復是痕百鳥
不來春已老落花流水遶江村 松源岳云描不成兮
畫不成卧龍長怖碧潭清擬心湊泊終難會達者應須
暗裏驚

長沙岑禪師一夕與仰山翫月次仰云人人盡有這箇事
祇是用不得師云恰是倩汝用去仰云你作麼生用師乃
與一踏踏倒仰山起來云爾直下似箇大蟲傳煥作向月次
再慶稜云前彼此作家後彼此不作家乃別云那法難
扶保福展云好一箇月只是用力太多被他踏破却

傳煥云
三三三

番身二三

已不已
造次急遽

攝
フ
リ

成兩箇人人盡道舉大蟲奇特須知仰山有陷虎之機
 德山圓明代更與一踏琅琊覺云李陵雖好手爭免
 陷番身達觀頴云仰山喚作大蟲因聖道似箇狂狗
 徑山杲云皎潔一輪寒光萬里劍利者葉落知秋偈
 者忠言逆耳休不休已不已小釋迦有陷虎之機老人
 蟲却無牙齒當時一踏豈造次驀然倒地非偶爾衆中
 還有緇素得二老出者廢良久云設有也是掉棒打月
 曹源生頌云浮雲散盡月當空鬼子懷胎產大蟲跳出
 風前弄牙爪至今撼動廣寒宮
 投子同禪師僧問月未圓時如何師云吞却三箇四箇云
 圓後如何師云吐却七箇八箇
 南堂靜云若不會祖師西來意這因緣卒摸索不著在

月三日 癸卯四月 癸卯五月
 子月 癸卯六月 癸卯七月
 子月 癸卯八月 癸卯九月

搏
フ
リ

若是田地穩密底方知落趣然雖如是大階即不然或
 有問月未圓時如何只向道六合舍渾氣象清圓後如
 何爛銀盤出白邪驚鼓山珍云投子和尚雖然善能
 吞吐要且未知月之所在或問鼓山月未圓時如何只
 對他道天上有星皆拱北圓後如何人間無水不朝東
 月堂昌云投子只知得路便行不覺渾身泥水瑞光即
 不然月未圓時如何布施不如還却債圓後如何借婆
 裙子并婆年徑山杲云三箇與四箇七箇與八箇數
 日甚分明無人數得過既是數日分明爲甚無人數得
 過良久云道士著白襴且非真措大
 洞山聰頌云七八雖然正好觀四三焉得便瞞頂靈光
 萬古輝天地隱顯尋常不用搏投子青云圓闕曾伸

癸卯八月
 癸卯九月
 癸卯十月

問老翁石龜嘶子引清風昨朝木馬潭中過踏出金烏
半夜紅保寧勇云吞却三四枚吐出七八箇吞吐總
完全不知是甚麼正覺逸云圓後圓前作者知四三
七八解呈機令人長笑善吞吐留與叢林作是非
雲門偃禪師因僧問佛法如水中月是不師云清波無透
路云和尚從何得師云再問復何來云便恁麼去時如何
師云重疊關山路

白雲端頌云灼然水月非難取自是時人手不親韶石
若師拈出了關山重疊越光新圓悟勤云徧界不藏
清波澄寂互換投機箭鋒相直提起向上鉗鎚石火電
光莫又便恁麼隔關山碧潭雲外不相關
揚岐會禪師僧問撥雲見日時如何師云東方來者東方

坐

白雲端頌云堯舜垂衣萬國賓擬雲見日意休陳東方
來者東方坐草木重露雨露新

智門祚禪師僧問如何是般若體師云蚌含明月僧問如
何是般若用師云兔子懷胎

雪竇顯云非唯把定世界亦乃安貼家邦若善能參詳
便請升霄獨步黃龍新云如何是般若體一堆屎如
何是般若用屎堆裏蟲南堂靜云古人是則是答得
太高生若是老僧即不然如何是般若體一穀一米如
何是般若用七擒七縱應庵華云兩箇漆桶一時話
墮了更添一枚如何是般若體相見便無禮如何是般
若用從來愛打閑且道三箇漆桶還有優劣也無若檢

德潛書手稿一紙，微點，不具年，紙平，紙上，但識琴中落行，一在，
德潛明七

德明寺

張

可ハミヨルキナトシ梅之
 今更ノ改リ門コイ知
 得^ナキ申^ス員一
 無
 トハミ

在半途。佛眼遠云：杲日連天照，有無孰云？善逝坐跏趺，如今要見當年事，邪正由來在半途。鼓山珙云：迷悟髑髏前，何勞更舉鞭？只持雞狗戒，不學祖師拳。六祖能大師於黃梅受法，拜五祖，祖令隱於懷集，四會之間，屆南海遇印宗法師於法性寺。暮夜風颺，剎幡聞，二僧對論。一云：幡動；一云：風動。往復酬答，曾未契理。師云：可容俗流，輒預高論。不乃云：不是風動，不是幡動，仁者心動耳。印宗聞語，竦然異之，遂問其由。師以實告之。印宗於是集衆請開東山法門。師遂落髮披衣，受戒即廣州大寧寺也。雪峯云：大小祖師能頭蛇尾，好與二十棒。上座侍次，巖商峯云：我與麼道也，好與二十棒。保福展云：作賊人心虛，也是蕭何制律。巴陵鑑云：祖師道不是風動。

不是幡動，既不是風，幡向甚麼處？若有人與祖師作主出來，與巴陵相見。雪竇顯云：雪竇道風動，幡動，既是風，幡向甚麼處？若有人與巴陵作主，亦出來與雪竇相見。應庵華云：一盲引衆盲，相牽入火坑。

瑞鹿先頌云：非風，幡動；唯心動。自古相傳，直至今。今後水雲徒欲曉，祖師真是好知音。天衣懷云：不是風，兮不是，是幡。斯言形已播，人間要會老盧端的意。天台南嶽萬重山，法昌遇云：不是風，兮不是，是幡。黑花猫子面門斑，夜行人只貪明月不覺和衣渡水寒。道場如云：滄溟直下取驪珠，靚面相呈見也。無到此不開真正眼，膏肓之病卒難蘇。夢庵信云：相爭但見風，幡動不肯回頭識，動心從此老盧露消息。松風江月盡知音。

下

開先遲云停囚長智當時待供道今日風頭稍硬歸暖
處說話去來但拊掌各自歸堂教這老漢一場懨懨
開福寧頌云風頭坐斷進還難衲子相將不易看未到
潼關天已曉不堪回首望長安 佛性泰云風前露出
無瑕壁室內聲將無價跡幽處獻渠渠不識可憐流落
在江湖 鼓山珪云風頭稍硬難安立暖氣纔通瞌睡
來却笑明招閑費力無端兩處強差排 徑山杲云夜
半明星當午現愚人猶待曉雞鳴可憐自屎不知臭又
欲重新拈似人

雨雪

二祖可大師開達磨初至少林遂往彼晨夕參扣但端然

二祖
神光自惟侍

和山石三祖三堂系石壁題曰本別在侍侍

群
衆
之
心
也

面壁莫聞誨勵師志益堅乃云古人求道敲骨取髓刺血
濟飢布髮掩泥投崖飼虎古人如此我何人哉其夜天大
雪師到庭際侍立忘歸翌日積雪齊腰磨憫而問云汝久
立雪中當求何事師悲泣云惟願和尚慈悲開甘露門廣
度群品磨云諸佛無上妙道曠劫精勤難行能行非忍而
忍豈可以小德小智輕心慢心欲冀真乘徒勞辛苦師聞
示誨其志彌專乃取利刀自斷左臂置於磨前磨云諸佛
最初求道爲法忘形汝今斷臂吾前求亦可在師云諸佛
法印可得聞乎磨云諸佛法印匪從人得師云我心未安
乞師安心磨云將心來爲汝安師云覓心了不可得磨云
我爲汝安心竟師於此悟入 我爲汝安心竟師於此悟入
五祖戒云大似對面相瞞又云若只與麼何用西來

金一書
一棒
一三

芭蕉徹云金剛與泥人指背 五祖演云白雲當時若
見好與二十棒何故他人覩見將謂兩箇說安心法畢
竟如何菩薩龍王行雨潤遶身向上數重雲
汾陽昭頌云九年面壁待當機立雪齊腰未展眉恭敬
願安心地法覓心無得始無疑 白雲端云終始覓心
不可得寥寥不見少林人滿庭舊雪重知冷鼻孔依前
搭上唇 無盡居士云覓心不得已安心屠肆婦坊嗣
少林爭奈子孫嫌自截諸方五味苦參尋
龐蘊居士因蟬藥山山命十人禪客相送至門首士乃指
空中雲云好雪片片不落別處時有全禪客云落在甚處
士遂與一堂全云居士也不得草草士云恁麼稱禪客闍
羅老子未放你在全云居士作麼生士又與一堂云眼見

如盲以說如症

雪竇顯別云初間但握雪團便打又頌云雪團打雪團
打龐老機關沒可把大上人間不自知眼裏耳裏絕蕭
灑蕭灑絕碧眼胡僧難辨別

高沙彌一日出庵值雨樂山見來乃云你來也師云是山
云可殺濕師云不打這鼓笛雲巖云皮也無打甚麼鼓道
吾云鼓也無打甚麼皮山云今日大好曲調

丹霞淳頌云偶爾垂言借問伊知音爭使落今時胡家
不犯宮商曲玉笛同將劫外吹

雲居膺禪師因劉禹端公問雨從何來師云從端公問處
來劉遂禮三拜歡喜讚歎師却問瑞公問從何來劉無語
歸家三日而死有老宿代云適來道甚麼

歸宗系別云謝和尚非三 徑山杲云劉禹瑞公無語
歸家三日而死正肥著洪覺痒處只是不知轉身一路
當初待伏道問從何來但依前禮三拜歡喜而退且教
洪覺疑三十年

雪竇顯頌云風作何色雨從何來不用彈指樓閣門開
波波稜稜南方未回

鏡清怱憚師問僧門外甚麼聲云簷頭雨滴聲師云衆生
顛倒迷已逐物云某甲只恁麼和尚作麼生師云忌不迷
已云忌不迷已意旨如何師云出身猶可易脫體道應難
琅琊覺云得即得大似平地上陷人 黃龍心云說難
說易轉見迷已要迷已如今喚作甚麼聲
雪竇顯頌云虛空雨滴聲作者難酬對若謂曾入流依

〔二〕字上云大雨

前還不會會不會南山北山轉露霏 無爲子云是甚
麼聲雨滴浩浩迷已逐物衆生顛倒 長靈阜云簷前
雨滴聲正在眼中鳴貪他甚些者失却舊茅亭

巴陵鑑禪師僧問如何是提婆宗師云銀椀裏盛雪
雪竇顯頌云老新開端的別解道銀椀裏盛雪九十六
箇應自知不知却問天邊月提婆宗提婆宗赤旂之下
起清風 保寧勇云人天會上分緇素龍象堂前定是
非選甚邪魔并異類好教齊向此中歸 佛性恭云銀
椀裏盛雪冰壺含寶月縱具四維隨到此虛搖舌西天
令嚴此土還別

外有云云云云

水火

龐蘊居士問馬祖不與萬法爲侶者是甚麼人祖云待汝

一口吸盡西江水來即向汝道士於言下有省悟
保寧勇代云和尚太多口生玉泉璉云問趙體露無
依荅時堆山積嶽賓主互換針芥相投如空藏空似鏡
照鏡諸人還知二老落處麼誰家別館池塘上一對鴛
鴦盡不成

白雲端頌云一口吸盡西江水萬古千今無一滴要知
黨理不黨親馬祖可惜口門窄保寧勇云風吹日炎
一露屍骸泣問僊人瓦地埋忍俊不禁多口老陰陽無處
可安排石門易云借問乾坤獨步人全提分付太言
親西江吸盡無涓滴誰解喉門鎖要津

趙州僧問初生孩兒還具六識也無師云急水上打毬子
其僧却問投子急水上打毬子意旨如何子云念念不停

流

雪竇顯頌云六識无功伸一問作家曾共辨參端茫茫
急水打毬子落處不停誰解看白雲端云何謂識兮
還具六八萬四千殊不足初生孩子尚喃喃急水打毬
攔口築

趙州一日敲火問僧云老僧喚作火汝喚作甚麼僧無語
師云不識玄旨徒勞念韻

法燈欽別云我不如汝

老衲證頌云趙州眼放光燦破四天下鉢盂上安柄至

今成話桶

茶菓禪師因趙州將拄杖上法堂東觀西觀師乃問作甚
麼州云探水師云我這裡一滴也無探箇甚麼州遂將拄

杖靠壁而去

大滄詰云趙州善能探永不犯波瀾茱萸一滴也無爭
柰關防不得琅瑯覺云此亂奴欺主年衰鬼弄人
應庵華云茱萸一滴也無滔天白浪趙州以杖靠壁不
犯波瀾雖然二老同死同生爭柰明果未肯放尚在
泐潭明入趙老雲叔山獄盡茱萸雨過竹風清誰家別
館池塘裏一對鴛鴦畫不成
保寧勇頌云逐步移筇探淺深果然滄海碧沈沈一雙
足跡分明在將謂蹤跡不可尋佛鑑勸云古今難透
趙州關取次施爲不等閑杖子靠來斜倚壁輕如毫髮
重如山徑山果云深淺將挂杖探忽然平地起波
瀾傾瀉倒嶽驚人也到海方知徹底乾

鴻山祐禪師在百丈時夜侍立次丈云看爐內有火也無
師看了來報云無丈躬自至爐深撥忽得少火乃挾起云
你道無這箇禪師因而契悟丈云欲知佛性義當觀時節
因緣持節若至其理自彰便知己物不從外得汝善護持
次日百丈同師入山作務丈云還將得火來麼師云將得
來丈云在甚麼處師拾起一枝枯柴吹三吹展與丈丈肯
之乃云如蟲禦木

保寧勇頌云提起都來只一星豁然騰焰且天明連延
野外猶難救自得三年草不生大洪迷云力士曾遺
額上珠搜尋無處幾嗟吁傍人爲指珠元在始覺平生
用意龜上方益云撥動寒灰火便明曉來山外尚發
熒堪嗟法眼堂前客猶向南方問丙丁

大隋真禪師僧問劫火洞然大千俱壞未審這箇壞也無
師云壞云與麼則隨他去師云隨他去其僧不會持此語
到投子舉似投子遂焚香遙望大隋禮拜云西川有古佛
出現汝速回彼僧云西川師已遷化復回投子子亦遷化
後有僧舉問脩山主主云不壞云爲甚麼不壞主云爲
同大千道吾真云此二老宿一人道壞一人道不壞
且道壞底是不壞底是會麼壞與不壞俱非內外不隔
纖毫尋常面對

智門祢頌云切忌隨他不曾他大隋此語播天涯真淨
性中纔一念早是千差與萬差雪竇顯云劫火光中
立門端袖僧猶帶兩重關可憐一句隨他語萬里區區
獨往還慈受深云壞與不壞兩相猜劍閣龍舒謾往

來何人更有樊公脚一踏鴻門雙扇開

投子同禪師僧問劫火洞然時如何師云寒威威地

投子青頌云天地爲爐萬物爲薪人駕浪波雲霄風生
半夜霜威重月落水寒逼鬢凋

雪峯存禪師示衆云三世諸佛向火燄上轉大法輪玄沙

云近日官令稍嚴師云作麼生沙云不許攬行奪市師不

覺吐舌雲門云火燄爲三世諸佛說法三世諸佛立地聽

黃龍新入雪峯雲門交互爭輝新盡火滅向甚麼處聽

莫戀白雲深處坐切忌寒灰煨殺人

白雲端頌云火燄騰輝說最親無邊諸佛近前聞誰知

更有傍觀者鼻孔遶天不喜君保寧勇云一堆猛火

且大紅三世如來在此中轉大法輪今已了眉毛之上

起清風。普融平云紅酸光中也大奇明明演說白毫
輝可憐空老并韶石燒却眉毛總不知

雪峯僧問古澗寒泉時如何師云燈自不見底云飲者如
何師云不從口入僧後到趙州舉此話州云不從口入不
可從鼻孔裏入僧却問古澗寒泉時如何州云苦云飲者
如何州云死師聞得乃云趙州古佛造作禮自此不答話
雪竇顯云衆中商量總云雪峯不出這僧問頭所以趙
州不肯如斯話會深屈古人雪竇即不然斬下截鐵本
分宗師就下平高難爲作者天衣懷云諸仁者作麼
生會不答話底道理讚嘆趙州即不無選知趙州片上
瑕生麼若人檢點得出相如不誰於秦主蒙庵奇云
雪峯不從口入松栢千年青不入時人意趙州云死壯

冊一日紅滿城公子醉天童覺云扶豎宗乘須還太
匪雪峰辨一千五百人善知識身心趙州用一百二十
歲老作家手段不妨奇恠如今衆中隨言定旨亂作貶
剥深屈古人然則相席打令似有知音鏤骨銘心罕逢
明鑑

撥木系擔

雲蓋昌頌云古澗寒泉浩渺渺分明枝派暗流時不從
口入無滋味苦死令渠話不知寶峰照云黯黯雲橫
付雪峯青青趙老一雙瞳徒前汗馬無人識只要重謝
蓋代功佛心才云縱奪還他老作家奔流度刃數如

麻深深澗底無人到飲者重添眼裏沙
古德垂語云我喚作火汝不得喚作火
無爲居士云我喚作火汝即不可已道了也喚作甚

廢

玄沙備禪師因鏡清來參問學人乍入叢林乞師指箇入
處師云還聞偃溪水聲麼清云聞師云從這裏入鏡清於
言下大悟

五祖演云果是得入一任四方八面若也未然輒不得
離却這裏徑山杲云若要真箇得入直須離却這裡
白雲端頌云天生碧眼崑崙兒有藝過人自不知幾度
黑風翻大海波心出沒自閑嬉法雲秀云一滴偃溪
水四海少人聞直饒玄會得也是弄精魂羅漢南云
天飄碎玉千峯雪雨滴巖花萬壑春堪聽偃溪流水意
潺潺終日不聞聞

法眼益禪師僧問如何是曹源一滴水師云是曹源一滴

水時韶國師在會下聞此語大悟

應庵華云法眼恁麼說話眼觀東南意在西北忽有人
問薦福如何是曹源一滴水只對他道死

白雲端頌云曹源一滴久澄清流出千江絕浪聲大海
幾多遊翫者茫茫空遠水邊行草堂清云曹源一滴
異常流流入滄溟貫九州垂釣幾番波浪險未曾聞道
失漁舟弗燈珣云一滴曹源立問端清涼苔處在言
前泉流截斷窮源底百川依舊勢朝天

禪林類聚卷第十四

禪林類聚卷第十五

衣鉢

服飾附針

鞋襪

珍寶

琴基書畫

簾帳

舟楫

衣鉢

世尊一日勅阿難食時將至汝當入城持鉢阿難應諾佛云汝既持鉢須依過去七佛儀式阿難便問如何是過去七佛之儀式佛召阿難阿難應諾佛云持鉢去

禾山方云阿難只解與麼去不解與麼來隆慶化士既解與麼去亦解與麼來然雖如是且道作麼生是七佛儀式要會麼丈夫自有衝天志不向如來行處行

迦庵頌云從前七佛軌儀慶喜何曾欠少堪笑黃面瞿曇無端更打之遶

九句今之阿難下門

阿難尊者問迦葉云師兄世尊傳金襴袈裟外別傳箇甚麼迦葉召云阿難阿難應諾迦葉云倒却門前刹竿著

汾陽昭云不問那知 五祖戒云露 翠巖芝云千年

無影樹今時沒底靴 草堂清云刹竿未倒穿却諸人

體體換却諸人眼睛刹竿倒後向甚麼處見釋迦老子

參 則多問云何處所 妙處無一人於此住 只呼名 有僧云 禪心是

白雲端頌云金襴之外復何傳弟應兄呼豈有偏倒却

門前刹竿子免教依舊倚牆邊 覺海元云金襴付後

別何傳呼應雖勤意未圓迦葉更能施善巧刹竿倒却

貴安然 無盡名士云慶喜門前倒刹竿金襴傳外有

何傳天然外道無師證爭奈威音佛已前 天童覺云

影略門前倒刹竿箇中消息授傳難玲瓏侍者能相委

盤走明珠珠走盤 慈受深云頭陀飲光多問慶喜合
掌擎拳難兄難弟一朝狹路兩相逢裂轉雙睛無處避
便向門前倒刺竿丈夫自有衝天志 是古佛云提起
金欄惹倒刺竿步步踏著綠水青山

雪峯存禪師在德山作飯頭一日飯遲師曬飯巾次見德
山托鉢至法堂前師云這老漢鐘未鳴鼓未響托鉢向甚
麼處去山便歸方丈師舉似巖頭頭云大小德山不會末
後句山聞令侍者喚巖頭來山問汝不肯老僧那頭密啓
其意山休去明日陞堂果與尋常不同頭至僧堂前拊掌
大笑云且喜堂頭老漢會末後句他後天下人不柰伊何
雖然如是也只得三年後三年果遷化

明招謙代德山云咄咄汝處去沒處去 雪竇顯云曾

聞說高獨眼龍元來只有一隻眼殊不知德山是箇無
齒大蟲若不是巖頭識破爭得明日與昨日不同諸人
要會末後句麼只許老胡知不許老胡會 大滙詰云
巖頭大似高崖石裂自得百里走獸潛蹤若非德山度
量深明爭得昨日與今日不同 翠巖真云巖頭德山

一狀領過雪峯一千九百人善知識地在

南堂靜頌云德山托鉢最爲奇好語令人特地疑虎豹
出林誇爪距叢林千古立雄基 寶峯祥云凜凜霜風
憂地寒漁翁擲釣五湖寬錦鱗散波心月叔取絲綸
上古灘 天童覺云末後句會也無德山父子太含胡
座中亦有江南客莫向樽前唱鷓鴣 徑山杲云一搥
塗毒聞皆喪身在其中總不知八十翁翁入場呈真誠

不是小兒嬉

雲門偃禪師示衆云世界恁麼廣闊爲甚麼鐘聲披七條鼓山珪頌云七條披向鐘聲上徧界難藏比在相若以色見音聲求迦葉師兄是虛妄徑山杲云鐘聲披起替多羅碧眼胡兒不奈何一箭雙鵰隨手落拈來元是

柵中鵝

楊岐會禪師僧問天得一以清地得一以寧衲僧得一堪作甚麼師云鉢盂口向天

白雲端頌云鉢口向天底時節十方世界一團鐵少林面壁謾多年衲僧眼裏重添眉松源岳云衲僧一拶鉢盂口闊天下楊岐望梅林止渴

服飾 把針門

洞山价禪師問僧世間甚麼物最苦僧云地獄最苦師云不然衣線下不明大事始是苦

丹霞浮頌云鑊湯爐炭幾何般地獄三塗未苦酸須聽新豐親切語袈裟之下莫顛頂

曹山本寂仰師僧問衲衣不掛時如何師云曹山好顛酒滿云芋蒲後如何師云曹山好顛酒

天童覺頌云清白門庭四絕隣長年關掃不容塵光明轉處傾殘月又象分持却建寅新滿孝便逢春醉步狂歌任隨巾散髮夷猶誰管系太平無事酒顛人

香林遠禪師僧問如何是衲衣下事師云臘月火燒山應庵華云香林恁麼道老鼠入牛角忽有人問歸宗如何是衲衣下事只對他道來年更有新條在楊亂春風

酸八師

香

衲衣下事只對他道來年更有新條在楊亂春風

卒未休

雪竇顯頌云臘月燒山萬種千般翹松鶴冷立雲人寒
達磨不會大難大難上方益云歲晚年來正苦寒千
林木葉盡凋殘炎炎野火無流水燃是隨風過別山
白楊順云臘月山頭火亘天衲衣下事若爲傳老來不
是觀時節困即長伸兩脚眠天童覺云老大叢林快
說禪不將禪掛口皮邊谷深山遠空無像何處人呼應
不圓東林顏云臘月火燒山苦口是黃連相將歲除
夜竇八布衫穿大可憐把手入黃泉

鞋襪

睦州蹤禪師在黃檗爲首座教臨濟問佛法後歸鄉院杜
門織蒲鞋養母人目之曰陳蒲鞋接得雲門今嗣雪峯唯

睡及龍更
陳身而逆
陳人三

自胸迹凡見僧喚云大德僧回音師云擔板漢

雪竇顯云睦州只具一隻眼何故這僧喚既回音因甚
却成擔板

汾陽昭頌云垂慈只要總通靈不是宗師妄自生擔板
古教須放下免伊虛度百千生圓悟勤云辛辛苦辣辣

哩哩囉囉識際凡爲大樹投雲門陷嶮崖機峻莫階言

如枯柴夫走之謂陳蒲鞋無爲子云睦州喚隨卦斷

而不面擔板漢長靈卓云腦後與一錐頭頭墮坑坎

直饒喚不回也是虛擔板透過睦州關乾坤一隻眼

鼓山珪云電火光中休草草劍輪鋒上莫怱怱等門放

却全身入終不當頭犯一毫徑由果云睦州擔板那

容駐眼闊狹短長不須增減

靈雲勤禪師問僧其處去去雪峯去師云我有一信寄雪峯云便請師乃脫履拋向面前僧便去雪峯問其處來云靈雲來峯云和尚安不云有書相寄道了脫履拋向面前岑休去

潞山秀云雪峯既不能辨他來信端的這僧又祇知依模畫樣鈍置他靈雲忽若當時道我有一信寄他云便請靈雲只據坐這僧又若爲通露不可大丈夫漢爲人馳逐教他一言不措

珍寶

東寺會禪師因仰山來參乃問汝何處人仰云廣南人師云我聞廣南有鎮海明珠是不仰云是師云此珠作何形狀仰云白月即現師云汝將得來不云將得來師云何不

呈似老僧云某甲昨到潞山蒙索此珠直得無言可對無理可伸師云真獅子兒善能哮吼如蟪蛄蟲向蚊子眼睫上作窠於十字街頭大叫一聲云土曠人稀相逢者少作東邑政語無蟪蛄蟲下一段

龍潭曉云衆中喚作呈珠話且作麼生是呈珠處山僧今日與大衆註破等閑莫向江邊立切忌寒灰灸殺人本覺一頌云鎮海明珠到興品由來一顆自圓成仰山東寺曾遭索叉手還將取次呈

終南山師祖禪師問南泉摩尼珠人不識如來藏裏親收得如何是藏泉云王老師與爾往來者是師云不往來者泉云亦是師云如何是珠泉云師祖師應諾泉云去汝不會我語師從此信入

世尊之四無所
不有、所作動
如、如、如、如
如、如、如、如
如、如、如、如
如、如、如、如
如、如、如、如
如、如、如、如

雪竇巖向、往來者是、趣云、草裏漢又向、不往來者亦是、
趣云、雪上加霜、又於、如何是珠趣云、嶮百尺竿頭、作伎
倆、不是好手、這裏著得、簡眼、賓主互換、便能深入虎穴、
或不謂麼、縱饒師祖悟云、也是龍頭蛇尾、漢白雲端
云、大衆這僧一顆摩尼珠、可謂稀世之寶、大可憐生幾
乎落在萬丈坑裏、猶得南泉老兒手、親爲他把得起、
且道此珠現今在甚麼處、乃云海神知貴、不知價、留與
人間光照夜、

爲山祐禪師坐次、仰山與香巖侍立、師云、如今總與麼者、
少不與麼者、多香巖從東過、西立、仰山從西過、東立、師云、
這箇因緣二十年後、如金、擲地相似、仰云、亦須是和尚提
唱、始得嚴云、即今亦不少師云、合取狗口、

護生一書卷之三

佛鑑懃云、爲山幸自海晏河清、剛地無風起浪、雖然一
波、纔動萬波、隨擲地、金聲如瓦礫、仰山香巖若能慎護、
纔見爲山、怎麼追便珍重、下去假饒、爲山咳嗽、風生也、
須無出氣處、大爲智云、爲山舉令、二子唱和、偶然成
曲調、不是海作、做雖然、吟咏之機、爲山未肯放過、當時
仰山香巖見爲山與麼道、便好掀倒禪床、還知麼、良久
云、見性不留佛、大悟不存師、猶較些子、喝一喝、塗毒
策云、金久鍊、則精水久澄、則清、爲山纔始調絃、二子終
須別曲、當初祇道、著相逢、到底翻成怨離別、且道過在
甚麼處、還知麼、老來秋、可和雲、睡休與兒孫論短長、
南堂靜頌云、象王嚙呻、師子哮吼、踞地盤空、移星換斗、
坐斷舌頭、合取狗口、一回擲地作金聲、九曲黃河徹底

清隱靜微云鴻山垂語辨龍蛇一對驪珠絕點瑕獅子窟中無異獸嘉聲動地徧天涯

洛浦安禪師僧問衆手淘金誰是得者師云拳中舊實不假披沙云恁麼則展手不逢也師云莫將鶴唳擬作鶯啼

丹霞淳頌云淘金豈假披沙得不觸波瀾猶費力露柱

三更忽放光此時未審何人識

大嶺禪師僧問如何是一切處清淨師云截瓊枝寸寸是寶栴旃檀片片皆香

丹霞淳頌云乾坤盡是黃金國萬有全彰淨妙身玉女背風無巧拙靈苗花秀不知春

雲門偈禪師示衆云乾坤之內宇宙之間中有一寶秘在形山拈燈籠向佛殿裏將三門向燈籠上

雲門
示衆

法昌遇云且緩緩法昌有一寶七顛與八倒或作無明山或時爲相好觸處盡光輝動便入荒草休尋討珊瑚枝上日杲杲白雲端云大衆眼在鼻上脚在肚下且道寶在甚處乃云人而不知何處去桃花依舊笑春風雪竇顯頌云看看古岸何人把釣竿雲排井水漫漫明月蘆花君自看鴻山秀云看看野花開極撩亂三月洞庭江上春煙霄飛過瀟湘岸白雲端云嶺上白雲舒復卷天邊皓月去還來低頭却入茅簷下不覺呵呵笑幾回佛心才云帝網交羅幾萬般形山消殞影團圓拈來不是無心處只在乾坤宇宙間長慶稜禪師僧問衆手淘金誰是得者師云有伎倆者得云學人還得也無師云大遠在

雪竇顯代這僧當時便喝復云有伎倆者得一手分付
有伎倆者不得兩手分付學人還得也無蒼天蒼大
智門祇頌云衆手淘金得者誰纖塵窒礙豈能爲洪波
浩渺黃金遠一事無成空手歸

首山念禪師僧問學人親到寶山空手回時如何師云家
家門前火把子僧於言下大悟

白雲端頌云空手歸時誰肯信驢馱馬載入門來家家
舉起火把子半夜天如白日開 佛鑑懃云寶山到日
事如何空手回時所得多家門前火把子明知日月

照山河

琴瑟 書畫樂用

睦州蹤禪師因一秀才來參師問先輩所蘊何業才云某

甲會二十四家書師以拄杖空中點一點云會麼才罔措
師云又道會二十四家書求字八法也不識

黃龍南云睦州一點直在威音王已前及乎八法論書
却被庸俗人勘破若是黃龍即不然孔門弟子無人識
碧眼胡僧笑點頭 大鴻喆云睦州不妨用得這一點
妙又似以勢欺人大鴻即不然乃畫一圓相云會麼字
義炳然文不加點

明招謙頌云一點曾無異微塵劫不增百千諸佛眼同
共此靈明 佛鑑懃云禪師拄杖秀才筆伎倆皆從手
中出八法論書如未明面前一點黑如漆 水庵一云
一著機先用得親以隣窮手眼無筋須知八法論書處
前箭猶輕後箭深

大陽延禪師問梁山如何是無相道場山指觀音云此是
吳興上畫師擬進語山急索云這箇是有相底那箇是無
相底師於言下大悟作禮却依本位立山云何不道取一
句來師云道即不拜恐上紙墨山乃呵呵大笑云此語已
後上碑去在

投子青頌云路窮崖仞問山翁別指巖西嶺近東擬進

霧垂嵐色重四頭頂見大陽紅

此句乃四句却本
陽意在末

風元沼禪師僧問古曲無音韻如何和得齊師云木雞啼
子夜鷓鴣吠天明

徑山果云這黃面浙子恁麼答話也做他臨濟兒孫未
得在今日或有人問徑山古曲無音韻如何和得齊只
向他道木雞啼子夜鷓鴣吠天明

投子青頌云古巖月色鎖重雲枯木迎芳曉帶春昨夜
星河轉南斗金烏隨鳳過天輪

簾帳

法眼益禪師因僧齊前來參次師以手指簾尋有二僧齊
去捲師云千得一失

東禪齋云上座且作麼生會有云為伊不明肯便去捲
簾亦有道指者即會不指而去者即失恁麼會還可不
可既不許恁麼會且問上座阿那箇得那箇失
天童覺頌云松直棘曲鶴長龜短藏身世人俱忘治亂
其安也潛鱗在淵其逸也翔鳥脫絆無何祖禰而來裏
許得失相半遂隨風而轉空船截流而到岸箇中劍利
納僧看取清涼手段

舟楫

六祖大師一日謂門人云吾欲歸新州汝等速整舟楫門人云師從此去早晚却回師云葉落歸根來時無口

法雲秀云非但來時無口去時亦無鼻孔

佛眼遠頌云歸根得旨復何論洞口秦人半掩門花落

已隨流水遠空留暮暮野雲屯松源岳云雲開空自

闊葉落即歸根回首煙波裏漁歌過遠村

船子誠禪師與道吾崇巖在藥山分別後往秀州華亭泛

一小舟曾囑道吾云師兄向後有座主指一二人來道吾

後至京口竹林寺時夾山會禪師住持上堂有僧問如何

是法身會云法身無相云如何是法眼會云法眼無瑕吾

不覺失笑會下座具禮請問吾云吾有同行在華亭船上

大衆之教云云

接人汝往見之必有所得仍須更易其服會乃散衆易服徑造華亭師見會來便問大德住甚麼寺會云似則不住住則不似師云不似又不似箇甚麼會云不是目前法師云甚麼學得來會云非耳目之所到師云一句令頭語萬劫繫驢橛師又問垂絲千尺意在深潭離釣三寸子何不道會擬開口師拈撻子磬吞打落水中會緣上船師急索云道道會擬開口師又打會豁然大悟乃點頭一下師云竿頭絲線從君弄不犯清波意自殊會遂問拋綸擲釣師意如何師云絲懸綠水浮定有無之意速道速道會云語帶玄而無路舌頭談而不談師云釣盡江波金鱗始遇會乃掩耳師云如是如是乃囑云吾在藥山三十年分明得此事汝今得已向後莫在城隍聚落直須藏身處沒蹤跡

沒蹤跡處莫藏身向深山鑿頭邊接取一箇半箇嗣續吾
宗無令斷絕會領旨禮辭而去頻頻回首師復喚云關黎
會回首師喚船桅云汝道別更有在言訖踏翻船於煙浪
投子青頌云泛舟駕嶮三十春擊颶竿頭活死人夾嶺
挂分千古韻朗江山翠萬重新保寧勇云不犯清波
不擲釣惟哉當面觸脣頭微芒一噴朦朧雨萬壑千溪
水逆流覺海元云捨短從長有幾人遠求船子扣玄
津關撓數挂徒開口水色山光特地新佛迹呈云長
竿放去隨波浪絲線收來獲錦鱗撓下翻身何脫灑回
頭不見舊時人無盡居士云蘆華蕭蕭江岸秋長
天獨月向西流雖釣三寸無人追笑倚蘭橈自點頭
船子有一官人問如何是和尚日用事師堅起橈子云會

麼云不會師云棹撥清波金鱗罕遇因示偈云三十年來
坐釣臺釣頭往往得黃能金鱗不遇空勞力收取絲輪歸
去來三十年來海上遊水清魚現不吞釣釣竿斫盡重栽
竹不計功程得便休千尺絲綸直下垂一波纔動萬波隨
夜靜水寒魚不食蒲船空載月明歸

雪竇顯云這漢勞而無功忽若雲門道一句合頭語萬
劫繫驢橛人作麼生免得此過良久云莫謂水寒魚不
食如今釣得滿船歸

白雲端云閃爍金鱗躍浪時華亭貪翫下釣遲誰知
雪老垂綸慣不犯波濤取得伊

巖頭豁禪師僧問古帆未掛時如何師云小魚吞大魚
汾陽昭頌云古帆不掛更何疑學問依前又是迷大小

新
也
紫
三

洞
孫

二魚俱一海爭奈釣頭餌不齊 鼓山珪云小魚吞大
魚門上釘桃符邪魔俱不入佛法也消除 徑山杲云
小魚吞大魚直路太繁紆古帆休更問處處得逢渠
巖頭僧問古帆掛後如何師云後園驢喫草
海印信頌云槌打不碎火燒不著天上人間何處安泊
阿呵呵是甚麼莫敲破須爛嚼 大洪遂云古帆不掛
問巖頭月冷風高下直釣誰見後園驢喫草脫籠卸馱
飽齣齣 楚安方云風信不來春已老却憶後園驢喫
草蒲天明月贈行人野客溪邊歸路早 徑山杲云後
園驢喫草一老一不老舊地撞出來闢湊得恰好
廣德周禪師僧問波浪之中如何得妙師云撈棹不施兼
底脫往來終不借浮囊

化祖言うハセシラセ如持之夏夏ミ至ハ袋ハ入ラヌ

丹霞淳頌云一句相酬難取則輪王不化閻浮國無邊
刹海浪痕平獨駕泥牛耕月色
木平道禪師初謁洛浦遂問一漚未發已前如何辨其水
脉浦云移舟請水勢舉棹別波瀾師不愜意次參龍如
前置問龍云移舟不辨水舉棹即迷源師因此相契
雲峯悅云木平若於洛浦言下會去猶較些子可惜許
向盤龍死水裏淹殺後有問如何是木平對云不勞斤
斧師云果然只在這裏諸禪德大凡發言超方也須甄
別邪正識辨真偽帶些子眼筋始得雖然如是也是賊
過後張弓
丹霞淳頌云金烏玉兔兩交輝照破威音未兆時若謂
青霄別有路木人依舊皺雙眉 本覺一云移舟曾不

